









古文奇賞卷之十四

古吳陳仁錫選評 仁和郎斗金重訂

招真館碑銘

梁簡文帝

聲韻宛折

玉龜二始金書八會道浹地心功浮天外故帝可小  
惟貞能大德起同塵善生塞兌保物自\\然\\人\\符\\交\\泰\\  
掩映綠蘿穹隆紫蓋僊治之美此焉爲最雄\\柱\\千\\步\\  
陽臺百丈水均下矚山踰高掌野寂雲興禽繁山響  
升虹夕棲豐雷朝上書藏玉柙藥蘊銀筒燒鉛雜鯉  
折桂和蔥芥柯雖朽碎石無窮

陶貞白先生墓銘



維大同二年龍集丙辰克明三月壬寅朔十二日癸  
丑巳時華陽洞陶先生蟬蛻於茅山朱陽館先生諱  
弘景字通明春秋八十有一屈伸如恒顏色不變有  
制贈以中散大夫謚曰貞白先生遣舍人主書監護  
喪事十四日巳時窆於雷平之山若夫真以歸空爲  
美道以無形爲貴不知悅生大德所以爲生不知惡  
死谷神所以不死妙矣哉隱顯變化物莫能測旣而  
岫開折石天墜玉棺銀書息簡流珠罷竈九節麗於  
空中千和焚於地下仙宮有得朋之憇受學振臨谷  
之悲予昔在粉壤蚤逢圯上之術今造元良屢稟浮



丘之教握留符而惻愴思化。杖而酸辛，乃爲銘曰。  
無名曰道，不死爲仙。亦有元則，兼稱稚川。遁形解化，  
自昔同然。猗與夫子，受籙歸玄。梨傳苑吏，書因賈傳。  
虎車照景，蜺拂凌烟。餘花灼燦，春澗潺湲。鬱鬱茅嶺，  
悠悠洞天。三山白鶴，何時復旋。

麗語寫真人山花笑開

相宮寺碑銘

真人西滅，泊羅漢東遊。五明盛士，並宣非閤之教。四  
姓小臣，稍罷南宮之學。超洙泗之濟濟，比舍衛之洋洋。  
是以高簷三丈，乃爲祀人之舍。連閣四周，竝非中



官之宅。雪山忍辱之草。天官陀鉢之花。四照芬吐。五  
衢異色。能令扶解說法。果出妙衣。鹿苑豈殊祗林。何  
遠。皇太子蕭緯。自昔蕃邸。便結善緣。雖銀藏蓋寡。金  
地多闕。有慚四事。久立五根。泗川出鼎。尚刻之罽之  
石。岷峨作鎮。猶銘劒壁之山。矧伊福畀。寧無鐫刻。銘  
曰。洛陽白馬。帝釋天冠。開基紫陌。峻極雲端。實惟  
爽塏。婁心之地。譬若淨土。長爲佛事。銀鋪曜色。玉礎  
金光。塔如仙掌。樓疑鳳皇。珠生月魄。鍾應秋霜。鳥依  
交露。幡承杏梁。窓舒意葉。室度心香。天琴夜下。紺馬  
朝翔。生滅可度。離苦獲常。相續有盡。歸乎道場。



答湘東王和受試詩書

簡文帝

比見京師文體。儒鈍殊常。競學浮疎。爭事闡緩。既殊  
此興。正背風騷。若夫六典三禮。所施則有地。吉凶嘉  
賓。用之則有所未聞。吟咏情性。反擬內則之篇。操筆  
寫志。更模酒誥之作。遲遲春日。翻學歸藏。湛湛江水。  
遂同大傳。吾既拙於爲文。不敢輕有掎撫。但以當世  
之作。歷方古之才。人遠則楊馬。曹王近則潘陸。顏謝  
觀其遣辭。用心了不相似。若以今文爲是。則昔賢爲  
非。若以昔賢可稱。則今體宜棄。俱爲盍各。則未之敢  
許。又時有效謝康樂。裴鴻臚文者。亦頗有惑焉。何者



謝客吐言天拔出於自然時有不拘是其糟粕裴氏  
乃是良史之才了無篇什之美是爲學謝則不屆其  
精華但得其冗長師裴則義絕其所長唯得其所短  
○說○ ○盡○ ○文○ ○章○ ○之○ ○體○  
謝故巧不可階裴亦質不宜慕故胸馳臆斷之侶好  
名忘實之類決羽謝生豈三千之可及伏膺裴氏懼  
兩唐之不傳故玉徽金銑反爲拙目所嗤巴人下里  
更合郢中之聽陽春高而不和妙聲絕而不尋竟不  
精討錙銖嚴量文質有異巧心終愧妍手是以握瑜  
懷玉之士瞻鄭邦而知退章甫翠履之人望閩鄉而  
歎息詩旣若此筆又如之徒以烟墨不言受其驅染



紙札無情任其搖襞甚矣哉文章橫流一至於此至  
如近世謝朓沈約之詩任昉陸倕之筆斯實文章之  
冠冕述作之楷模張士簡之賦周升逸之辯亦成佳  
手難可復遇文章未墜必有英絕領袖之者非弟而  
誰每欲論之無可與語念言子建一共商確辯茲清  
濁使如涇渭論茲月旦類彼汝南朱白既定雌黃有  
別使夫懷鼠之慙濫竿自恥相思不見我勞如何  
梁書庾肩吾傳曰齊末明中王融謝朓沈約文章  
始用四聲以爲新變至是轉拘聲韻彌尚麗靡踰  
於往時太子與湘東王書論之



屬常儲貳  
君臣無怯  
搖動翰墨  
未運有武  
弱之強之  
誣

答新渝侯和詩書

垂示三首風雲吐於行間珠玉生於字裏跨躡曹左  
會超潘陸雙鬢向光風流已絕九梁插花步提爲古  
高樓懷怨結眉表色長門下泣破粉成痕復有影裏  
細腰令與真類鏡中好面還將畫等此皆性情卓絕  
親致英奇故知吹簫入秦方識來鳳之功鳴瑟向趙  
始觀駐雲之曲手持口誦喜荷交并也

鮮妍○簡文帝名綱字世續武帝第三子初封晉  
安王昭明太子薨立爲皇太子在位二年爲侯景  
所弑廟曰太宗



狂繁縟時  
自爲清語  
夢佳

與劉孝儀令

簡文帝

賢從中庶奄至殞逝痛可言乎其孝友淳深立身貞  
固內含玉潤外表瀾清美譽嘉聲流於士友言行相  
符始終如一文史該富琬琰爲心辭章博瞻玄黃成  
采旣以鳴謙表性又以難進自居未嘗造請公卿繇  
交榮利是以新沓莫之舉杜武弗之知自阮放之官  
野王之職栖遲門下已踰五載同僚已陟後進多升  
而怡然清靜不以少多爲念確爾之志亦何易得西  
河觀寶東江獨步書籍所載必不是過吾昔在漢南  
連翩書記及忝朱方從容坐首良辰美景清風月夜



真不作世  
情語

鷁舟午動朱鷺徐鳴未嘗一日而不追隨一時而不  
會遇洒闌耳熱言志賦詩校覆忠賢權揚文史益者  
三友此實其人及弘道下邑未申善政而能使民結  
去思野多馴雉此亦威鳳一羽足以驗其五德比在  
春坊載獲申晤博望無通寶之務司成多節文之科  
所賴故人時相婉偶而此子湓然實可嗟痛惟與善  
人此爲虛說天之報施豈若此乎想卿痛悼之誠亦  
當何已往矣奈何投筆惻愴吾昨欲爲志銘并爲撰  
集吾之劣薄其生也不能揄揚吹噓使得騁其才用  
今者爲銘爲集何益旣往故爲痛惜之情不能已已



耳

劉遵字孝陵彭城安上里人有學行工文爲晉安  
王宣惠雲麾二府記室王轉南徐州治中後爲雍  
州復引爲安北諮議參軍帶卬縣令及王立爲皇  
太子仍除中庶子大同元年卒太子深悼惜之



太子少師中書平大司馬太子少師

散騎員外郎太子少師中書平大司馬太子少師

王官里望事二官騎室王輔南餘錄中書平大司馬

監學學奉製進姓表上里入官學官工文藏晉史



與劉智藏書

梁元帝釋

菩薩蕭法車置郵大士劉智藏侍者自林宗過反玄  
度言歸以結元禮之心彌益真長之歎故以臨風望  
美對月懷賢有勞寤寐無忘興寢方今玄冥在節歲  
聿云適口似青緹雲浮紅藥清臺炭重北宮井溢想  
禪說爲娛稍符九次成誦之功轉探三密山間芳杜  
自有松竹之娛巖穴鳴琴非無薜蘿之致修德之暇  
差足樂也昔韓梅兩福求羊二仲鄭林騰名於馮翊  
周黨傳芳於太原或有百鎰可捐千金非貴松子爲  
餐蒲根是服未有高蹈真儒歸宗法海梵王四鶴集



外藥而相鳴。帝釋千馬經丘園而跼步。有一於此。猶  
或稱奇。兼而總之。何其盛也。故知南臨之水。已類呂  
梁之川。北眺之山。彌同武安之嶺。豈復還思淑浦。尚  
想彊臺。睠彼漢池。載懷荒谷。以此相求。心可知矣。僕  
久厭塵邦。本懷人外。加以服膺。常任諷味。了因彌用。  
思齊每增。求友常欲。登却月之嶺。蔭偃蓋之松。挹璇  
玉之源。解蓮華之劍。藩維有限。脫屣無由。每坐向詡  
之狀。恒思管寧之榻。夢匡山而太息。想桓亭而延佇。  
白雲間之蒼江。不極未因。抵掌我勞。如何想無金玉。  
數在郵示。弱水難航。猶致書於青鳥。流川弗遠。佇芳



音於赤玉鶴望還信以代萱蘇得志忘言此寧多述  
法車叩頭叩頭

元帝小字法車字世誠武帝第七子湘東王荊州  
刺史討誅侯景正位江陵西魏來伐見害自序六  
歲解爲詩因爾稍學爲文及長好學博極羣書年  
十二患疥閉齋張葛幃避蠅獨坐銀甌貯山陰甜  
酒時復進之以自寬痛率意讀史書一日二十卷  
年十四便患目多不自執卷置讀書左右番次上  
直書夜爲常略無休已雖睡卷猶不釋五人各伺  
一更恒致達曉常眠睡大鼾左右有睡讀失次第



讀書人須宜○有比○興○

或偷卷度紙必驚覺更令追讀加以檟楚聚書四  
十年得八萬卷

醉却齊蠶之以及自其後幸意蕭史書一日二十卷  
十二患衣閑齊蠶之以及自其後幸意蕭史書一日二十卷  
氣龍為藉因爾醉學或文文是技學軒懸羣書半  
陳史精精義景五此式刻西賤來外昆寄自六  
示帝小字武車字世謂為帝策士于時東王撫  
武車中更中更

音然衣王蕭堅毀計以外萱蔭爵志志言此寧參



讀詩勸進  
差有通讓  
之風而文  
亦冲雅

答勸進群下初令

梁元帝

孤以不德天降之災枕戈飲膽扣心泣血風樹之酷  
萬始不追霜露之哀百憂總萃甫聞伯升之禍彌切  
仲謀之悲若封豕既殲長蛇卽戮方欲追延陵之逸  
軌繼子臧之高讓豈資秋亭之壇安事繁陽之石侯  
景項籍也蕭棟殷辛也赤泉未賞劉邦尚曰漢王白  
旗弗懸周發猶稱太子飛龍之位孰謂可躋附鳳之  
徒既聞來議羣公卿士其諭孤之志無忽



招隱逸教

梁安成王秀

夫鶉火之禽不匿影于丹山昭華之寶乍耀采于藍  
田是以江漢有濯纓之歌空谷著來思之詠弘風闡  
道靡不由茲處士河東韓懷明南平韓望南郡庾承  
先河東郭麻並脫落風塵高蹈其事兩韓之孝友純  
深庾郭之形骸枯槁或橡飯菁羹惟日不足或葭牆  
艾席樂在其中苦伯武貞堅就仕河內史雲孤劬屈  
志陳畱豈曰場苗寔惟攻玉可加引辟并遣喻意旣  
同親侯致禮之請庶無辟疆三緘之歎



答湘東王求文集及詩苑英華書

梁昭明太子

此亦一麗人也文選  
來子瞻之  
駁著書難  
耶集書難  
耶

得疏知湏詩苑英華及諸文製發函伸紙閱覽無輟  
雖事涉烏有義異擬倫而清新卓爾殊爲佳作夫文  
典則類野麗亦傷浮能麗而不浮典而不野文質彬  
彬有君子之致吾嘗欲爲之但恨未逮耳觀汝諸文  
殊與意會至于此書彌見其美遠兼邃古傍概典墳  
學以聚益居焉可賞吾少好斯文迄茲無倦談經之  
暇斷務之餘陟龍樓而靜拱掩鶴闕而高臥與其飽  
食終日寧遊思于文林或日因春陽景物韶麗樹花



發鶯鳴和春泉生暄風至陶嘉月而嬉遊藉芳草而  
眺矚或宋炎受謝白藏紀時玉露夕流金風時扇悟  
秋士之心登高而遠託或夏條可結倦於邑而屬詞  
冬雪千里睹紛霏而興詠密親離則手爲心使昆弟  
宴則墨以硯露又愛賢之情與時而篤與同市駿虞  
匪畏龍不追子晉而事似洛濱之遊多愧子桓而興  
同漳川之賞漾舟玄圃必集應院之儔徐輪博望亦  
招龍淵之侶校覈仁義源本山川旨酒盈壘嘉肴溢  
俎曜靈旣隱繼之以朗月高春旣夕申之以清夜重  
命連篇在茲彌博又往年因暇搜採英華上下數十



此是眞語  
凡持線群  
香中鮮目  
得未有不  
附

年間未易詳悉。猶有遺恨。而其書已傳。雖未爲精覈。亦粗足諷覽。集乃不工。而並作多麗。汝旣須之。皆遣送也。某啟。

昭明錦帶書十二月啟

梅花舒兩歲之裝。相葉泛三光之照。正月

走野馬于桃源。飛少女于李徑。其時麗月光浮。竇氏

之機。鳥弄芳園。韻響王喬之管。二月

鶴帶雲而成蓋。遙籠大夫之松。虹跨澗以成橋。遠現

美人之影。三月

秋風振響。鶉驚子夏之衣。夜月流輝。鵲繞將軍之壘。



月  
螢飛腐草光。浮帳裡之書。蟬噪繁柯影入機。

中之髻。六月  
桂吐花于小山之上。梨翻葉于大谷。

之中。七月  
黃花咲冷。白羽悲秋。八月

霜抱樹而擁柯。風拂林而下葉。九月

愁雲拂岫。帶枯葉以飄空。翔氣浮川。映危樓而疊迴。

胡風起。截耳之凍。趙日興。曝背之思。牛衣當被畏。

見王章。犢鼻親操。恐逢犬子。十月

彤雲垂四面之葉。玉雪開六出之花。十一月

酌醇酒而據切骨之寒。遇獸岸而祛透心之冷。退

龍劍而却步。月下開營。進鯨鼓而橫行。雲前起陣。主



助註相宜  
城碑器量  
高濬神氣  
披朗商畧  
雅俗隱括  
真偽擢奇  
取義不軌  
常流其爲  
文亦如此

齊宣德皇后臨朝答梁王令

梁任 助

承○固○茲○謙○揖○未○膺○大○典○敬○復○雅○旨○良○有○撫○然○夫○至○寂○  
難○原○言○象○所○絕○教○思○有○律○感○通○斯○在○所○以○異○人○者○神○  
明○同○人○者○用○舍○王○誕○茲○土○瘠○對○越○天○行○德○冠○二○儀○化○  
周○群○動○生○民○以○來○一○人○而○已○但○達○節○弘○道○每○濡○跡○於○  
中○庸○神○照○惟○幾○不○抑○心○于○鑽○仰○范○宣○既○讓○其○下○取○則○  
況○聖○圖○睿○範○歌○思○是○歸○廉○約○雖○弘○慶○賞○遂○替○誠○賢○者○  
悅○義○長○難○進○之○風○不○肖○者○矜○功○沮○竭○力○之○効○勸○沮○之○  
間○所○差○已○遠○王○何○得○不○暫○紆○雅○尚○尤○答○天○人○使○朕○夜○  
艾○以○安○早○朝○有○預○今○遣○率○茲○百○辟○申○薦○誠○款○萬○致○一○



塗煩言可略

宣德皇后令

宣德皇后敬問具位夫功在不賞故庸勛之典益闕  
施侔造物則謝德之徒已寡要不得不強爲之名使  
荃宰有寄公寔天生德齊聖廣淵不改參辰而九星  
仰止不易日月而二儀貞觀在昔晦明隱鱗戢翼博  
通群籍而讓齒乎一卷之師劒氣凌雲而屈跡於萬  
夫之下辯析天口而似不能言文擅雕龍而成輒削  
橐爰在弱冠首應弓旌客遊梁朝則聲華籍甚薦名  
宰府則延譽自高隆昌季年勤王始著建武惟新締

敘王文憲  
集立言必  
雅未嘗顯  
其所長持  
論從容未  
嘗言人所  
短弘獎風  
流許與氣  
類初以丹  
書之懷弘



○造理  
常若可干  
臨事每不  
可奪約已  
不以廉物  
弘量不以  
容非

構斯在功隆賞薄嘉庸莫疇一馬之田介山之志愈厲六百之秩大封之號斯存乃擁旄司部代馬不敢南牧推轂樊鄧胡塵罕嘗夕起惟彼狡童窮凶極虐衣冠泯絕禮樂崩喪既而鞠旅誓衆言謀王室白羽一麾黃鳥抵定甲旣鱗下車亦瓦裂致天之界拱揖群后豐功厚利亡得而稱是以祥光總至休氣四塞五老游河飛星入昴而地狹乎四履勢卑乎九伯帝有惡焉輔軒萃止今遣某位某甲等率茲百辟人致其誠庶匪席之旨不遠而復

爲齊竟陵王世子臨會稽郡教



富室兼并前史共蠹大姓侵威徃哲攸疾而權豪之  
族。壇。訶。林。池。勢。富。之。家。專。利。山。海。至。乃。水。稱。峻。巖。巖。  
我。后。崇。壙。增。仞。內。通。神。明。出。符。大。順。火。炎。崑。崗。神。  
岳。崩。潰。蘭。艾。同。燼。玉。石。俱。碎。哲。人。遭。命。哀。有。餘。慨。  
爲庾杲之與劉居士蚪書

與沈約論

范僕射書

破產而字

死友之孤

開門而延

故人之殯

平樂未世

書意有所

因白办不

既有所

自別荆南迄將二紀杲之牽滯形有推遷物保文人  
沒志外身超然獨善雖心路咫尺而事阻山河悠悠  
白雲依然有道金涼佇運想恒納宜冲明在襟履候  
無爽體道爲用蹈理則和杲之牽綴疲朽愧心已多  
訪德則山林宵然觀道則風雲自遠歲暮之期指塗



北何記曰

齊

厲吏人講

學詩踐境

居師臣臨

政欽益友

軒食願橫

經終朝思

擁帚

衡岳神虛氣懋無待怡和江湖相望安事行李司徒  
 竟陵王懋於神者言象所絕接乎士者遐邇所宗鍾  
 石非禮樂之本纓褐豈朝埜之謂想閭投之懷不以  
 形體爲阻一日通籍梁邸親奉話言夢想清塵爲歲  
 已積以大人非羔雁所榮故息蒲幣之典勝寄冥運  
 諒有風期之遲君王卜居郊郭縈帶川阜顯不絢功  
 晦不標迹從容乎人埜之間以窮二者之致且弘護  
 爲心廣乎貞俗思聳繁表共剖衆心妙域筵山河虛  
 館帶川浹實望賁然少訓側遲昔東牟樂善旌君大  
 於東閣今王愛數致吾子於西山豈不盛歟百齡廳



三事  
以御爲  
騎善騎也  
沈約一代  
詞宗每推  
重之在任  
清潔兒妾  
食麥而已

凝○滯○自○物○千○載○一○朝○爲○仁○由○已○且○零○雪○戒○塗○非○滅○  
之○郊○鴻○鐘○在○御○豈○銷○聲○之○道○已○標○異○人○之○迹○故○有○  
同○物○之○勞○夫○山○水○亡○情○應○之○以○會○愛○閑○在○我○獨○目○蕭○  
修○衡○岳○何○親○鐘○嶺○何○薄○想○弘○思○有○在○不○俟○繁○言○

天監三年策秀才文 二首

問○秀○才○朕○長○驅○樊○鄧○直○指○商○郊○因○藉○時○來○乘○此○歷○運○  
當○展○求○念○猶○懷○慙○德○何○者○百○王○之○敵○齊○季○斯○甚○衣○冠○  
禮○樂○掃○地○無○餘○斲○雕○剏○方○經○綸○草○昧○採○三○王○之○禮○冠○  
履○屨○分○因○六○代○之○樂○宮○判○始○辦○而○百○度○草○創○倉○廩○未○  
實○若○終○畝○不○稅○則○國○用○靡○資○百○姓○不○足○則○惻○隱○深○慮○



王融策秀  
才文若問  
心畢奔則  
清議無已  
元芻不澄  
則坐談彌  
積

每時入芻豪歲果田租。愀然疾懷如憐赤子。今欲使  
朕無滿堂之念。民有家給之饒。漸登九年之蓄。稍去  
關市之賦。子大夫當此三年。利用實王。斯理何從。佇  
聞良說。

問朕本自諸生。弱齡有志。閉戶自精。開卷獨得。九流  
七略。頗常觀覽。六藝百家。庶非墻面。雖一日萬幾。蚤  
朝宴罷。聽覽之暇。三餘靡失。上之化下。草偃風從。惟  
此虛寡。弗能動俗。昔紫衣賤服。猶化齊風。長纓鄙好。  
且變鄒俗。雖德慙往賢。業優前事。且夫搢紳道行。祿  
利然也。朕傾心駿骨。非懼真龍。輜駟青紫。如拾地芥。

高帝○吾○能○尊○顯○之



情游廢業十室而九鳴鳥蔑聞子衿不作弘獎之  
路斯既然矣猶其寂寞應有良規

爲齊明帝讓宣城郡公第一表

臣鸞言被臺召以臣爲待中中書監驃騎大將軍開  
府儀同三司揚州刺史錄尚書事封宣城郡開國公  
食邑三千戶加兵五千人臣本庸才智力淺短太祖  
高皇帝篤猶子之愛降家人之慈世祖武皇帝情等  
布衣寄深同氣武皇大漸實奉話言雖自見之明庸  
近所蔽愚夫一至偏識量已

一至謂  
之偏材

實不忍自固千

綴衣之辰拒違于玉几之側遂荷傾託導揚末命雖

高皇猶子  
之愛武皇  
顧托之命  
而嗣君見  
介故愧不  
敢就職

嗣君棄常獲罪宣德

嗣君鬱林王宣德太后也

王室不造職臣之

由何者親則東牟

劉興任惟博陸光

徒懷子孟光社稷

之對何救昌邑

賀興爭臣之譏四海之議于何逃責且

陵土未乾訓誓在耳家國之事一至于斯非臣之尤

誰任其咎將何以肅拜高寢虔奉武園悼心失圖泣

血待旦寧容復微榮于家耶宴安于國危驃騎上將

之元勳神州

楊州

儀刑之列岳

比于諸侯

尚書古稱司會中

書實管王言且虛飾寵章委成禦侮

為驃騎

臣知不慚

物誰謂宜但命輕鴻毛責重山岳存沒同歸毀譽一

貫辭一官不減身累增一職已黷朝經便當自同體

齊竟陵文宣王行狀  
依林構宇  
鋸岩築架  
清獲與  
人爭且縋



神之談  
無橫議  
之士寵  
金元之  
恩絕椒  
風之館

國不為飾讓至于功均一匡賞同千室侯封光宅近甸

奄有全邦隕越為期不敢聞命亦願曲留降鑒即垂

順許鉅干羊祜封之懇誠彌固永昌庾亮封之丹懷

獲申乃知君臣之道綽有餘裕苟曰易昭心易為

敢守難奪故可庶心弘議酌已親物者矣不勝荷懼

屏營之誠謹附某官某甲奉表以聞

為范尚書讓吏部封侯第一表

臣雲言被尚書召以臣為散騎常侍吏部尚書封霄

城縣開國侯食邑千戶奉命震驚心顏無措臣雲頓

首頓首死罪死罪臣素門凡流輪翻無取進謝中庸

退慙狂狷固嘗鑽厲求學而一經不治篆刻爲文而  
三冬靡就負書燕魏空殫菽粟躡屩齊楚徒知貧賤  
旣而分虎出守以囊被見王陽所載唯不過囊衣持斧作牧以  
意苴興謗赭衣爲虜見獄吏之尊除名爲民知井曰  
之逸百年上壽旣曰徒然如其誠說亦以過半亂離  
斯瘼欲以安歸閉門荒郊再離寒暑兼以東臯數畝  
控帶明夕關外一區悵望鍾阜明夕謂海潮也雖室  
楊楊無趙女而門楊多好事祿微賜金疏廣而歡同娛  
老折菱鄭燔枯蔡此焉自足陛下應期萬世接統千  
祀三千景附八百不謀臣曩等離心功慙同德泥首



在、顏、輿、棺、未、毀、締、構、草、昧、敢、叨、天、功、獄、訟、謳、歌、示、同

民、志、而、隆、器、大、名、一、朝、總、集、顧、已、反、躬、何、以、臻、此、政

富、以、接、閑、白、水、列、宅、舊、豐、吳、漢、與、光、武、同、居、白、水、鄉、

與、梁、武、居、相、近、忘、捨、講、之、尤、光、武、學、于、朱、祐、存、諸、公、之、費、光、武、與、韓、子、合、買、驢、

俯、拾、青、紫、豈、待、明、經、臣、雲、頓、首、頓、首、死、罪、死、罪、夫、銓

衡、之、重、關、諸、隆、替、遠、惟、則、哲、在、帝、惟、難、漢、魏、以、降、達

識、繼、軌、雅、俗、所、歸、唯、稱、許、邵、郭、泰、拔、十、得、五、尚、曰、比

有、其、餘、得、失、未、聞、偶、察、童、幼、天、棧、暫、發、願、無、足、算、在、

魏、則、毛、玠、公、方、居、晉、則、山、濤、識、量、以、臣、況、之、一、何、遼、

落、齊、季、陵、遲、官、方、淆、亂、鴻、都、不、綱、西、園、成、帝、金、章、有、

盈筭之談華貂深不足之歎草創惟始義存改作恭  
已南面責成斯在豈宜妄加寵私以乏王事附蟬之  
飾空成寵章求之公私授受交失近世侯者功緒參  
差或足食關中或成軍河內或制勝帷幄或門人加  
親或與時抑揚或隱若敵國或策定禁中或功成野  
戰或盛德如卓茂或師道如桓榮或四姓侍祠樊郭陰馬  
四已無足紀五侯王氏外戚且非舊章而臣之所附唯  
在恩澤既義異疇庸實榮乖儒者雖小人貪幸豈獨  
無心臣本自諸生家承素業門無富貴易農而仕乃  
祖玄平道風秀世爰在中興儀刑多士位裁元凱任



彥龍初與  
帝相知時  
有隱遠之  
言故云平  
生

止牧伯高祖少連夙秉高尚所富者義所乏者時薄  
宦東朝謝病下邑先志不忘愚臣是庶且去歲冬初  
國學之老博士耳今茲首夏將亞豕司雖千秋之一  
月九遷荀爽之十旬遠至方之微臣未能速達臣雖  
無識唯利是視至于虧名損實爲國爲身知其不可  
不敢妄冒陛下不棄營蒯愛同絲麻儻平生之言猶  
在聽覽宿心素志無復貳辭矜臣所乞特廻寵命則  
舜章載穆微物知免臣今在假不容詣省不任荷懼  
之至謹奉表以聞

爲蕭揚州作薦士表

新續精粹  
發言有章  
行論從容  
辭無矜尚

序王文憲  
集檢鏡取  
歸人倫以  
表雲屋天  
構匠者何  
工又曰理  
抑則神無  
作往事感  
別悅情斯  
亦

臣聞求賢暫勞垂拱永逸方之疏壤取類導川伏惟  
陛下道隱旒纁信充符璽六飛同塵五讓高世白駒  
空谷振鷺在庭猶懼隱鱗卜祝藏器屠保物色闕下  
關令委求河上晏子喻用賢非取制二一狐諒求味于兼  
采而五聲倦響九工是詢寢議廟堂特聽輿阜臣位  
任隆重義兼家邦實欲使名實不違微俸路絕勢門  
上品猶當格以清談英俊下僚不可限以位貌竊見  
秘書丞琅邪臣王暕年二十一字思晦七葉重光海  
內冠冕七葉謂自王覽下神清氣茂允迪中和叔寶  
衛理遣之談彥輔樂名教之樂故以暉映先達領袖  
珎



千

後進居無塵雜家有賜書辭賦清新屬言玄遠室邇人曠物疎道親養素丘園台階虛位庠序公朝此人

萬夫傾望豈徒荀令可想李公不亡而已哉前晉安

郡侯官令東海王僧孺年三十五字僧孺理尚棲約

思致恬敏既筆耕為養亦傭書成學至乃集營映雪

編蒲緝柳先言往行人物雅俗甘泉遺儀南宮故事

弘鄭畫地成圖抵掌可述豈直鼯鼠有必對之辯得鼠如豹

寶倣竹書無落簡之謬嵩山科斗書陳坐鎮雅俗弘

益已多僧偏訪對不休質疑斯在並東序之祕寶璠

璉之茂器誠言已以人廢而才實世資臨表悚戰猶

懼未允不任下情

奏彈劉整

御史中丞臣任昉稽首言臣聞馬援奉嫂不冠不入  
汜毓字孤家無常子是以義士節夫聞之有立千載  
美談斯爲稱首臣昉頓首頓首死罪死罪臣謹案新  
除中軍叅軍臣劉整閭閻闡茸名教所絕直以前代  
外戚仕因統袴惡積釁稔親舊側目禮絕通問叔而  
妄肆醜辭終夕不寐第五而謬加大杖薛包分財取  
其老弱高鳳自穢爭訟寡嫂詐與嫂訟未見孟嘗之  
深心唯倣文通之僞迹昔人睦親衣無常主卽汜  
毓也整



之撫姪食有故人何其不能折契鍾庾而檐帷交質。  
折券棄債漢高祖從王媼武貫酒事也媼雖負鍾庾之多亦空折券不論而整爲六斗水而取媼車帷爲質人之無情一何至此實教義所不容紳冕所共棄。

臣等叅議請以見事免整新除官輒勒外收付廷尉。  
法獄治罪諸所連逮應洗之源委之獄官悉以法制  
從事婢采音不款偷車闌龍牽請付獄測實其宗長  
及地界職司初無糾舉及諸連逮請不足申盡臣昉  
誠惶誠恐頓首頓首死罪以聞

求爲劉瓛立館啟

昔在魏中爰及晉始書貴虛玄人悅陶縱翊璉廢酒

乾坤一草  
亭何憂乎  
無居

上之容樽俎恣林下之適春于秋羽委曠而弗陳西  
序東膠寂寥而誰仰所以金鷄忘曉玉羊失馭神罌  
毀于獯戍寶曆遷于干越豈不悲歟劉瓛澡身浴德  
修行明經賤珪璧于光陰竟松筠于歲晚貧不隕獲  
其心窮不二三其操而困無居止浮寓親遊垣棟傾  
鑽室衢塾側有朋自遠無用栖憑皆負笈檐登櫺風  
沐露瓛之罌學無謝前修輒欲與之周旋開館招屈  
臣第西偏官有閑地非拒青山南望通邑雖曰人境  
實少浮喧廣輪裁盈數畝布以施立黌塾薄藝桑麻  
粗創茨宇



劉先生夫人墓誌

既稱萊婦亦曰鴻妻復有令德一與之齊實佐君子

簪蒿杖藜

以蒿爲簪以藜爲杖儉也

欣欣負載在冀之畦居室有

行亟聞義讓稟訓丹陽

劉恢

弘風丞相

王遵

籍甚二門風

流遠尚肇允才淑闡德諒蕪沒鄭鄉寂寥楊冢

國相

孔融深敬鄭玄屣履造門告高密縣爲玄特立一鄉

曰鄭公卿楊雄卒弟子侯芭負土作墳號曰玄冢

參差孔封毫未成拱暫啟荒塋長局幽隴夫貴妻尊

匪爵而重

與徐勉書

沈約

吾弱年孤苦，傷無菴屬。往者將墜於地，契闊屯遭。困於朝夕，崎嶇簿宦。事非爲已，望得小祿。傍此東歸，歲逾十稔。方忝襄陽縣公，私情計非所了。具以身資物，不得不任人事。求明末出，守東陽，意在止足。而建武肇運，人世膠加，一去不返。行之未易及，昏猜之始。王政多門，因此謀退。庶幾可果，託卿布懷。於徐令想記未忘。聖道聿興，謬逢嘉運。徃志宿心，復成乖爽。今歲開元禮年，云至懸車之請。事由恩奪，誠不能弘宣風政。光闡朝猷，尚欲討尋文簿。時議同異，而開年以來。



病增慮切當由生靈有限勞役過差總此涸竭歸之  
暮年牽策行止努力祇事外觀傍覽尚似全人而形  
體力用不相綜攝常須過自束持方可僊俛解衣一  
臥支體不復相關上熱下冷月增日篤取煖則煩加  
寒必利後差不及前差後劇必甚前劇百日數旬革  
帶常應移孔以手握臂率計月小半分以此推筭豈  
能支久若此不休日復一日將貽聖主不追之恨冒  
欲表聞乞歸老之秩若天假其年還得平健才力所  
堪惟恩是策

約人處端揆有志台司而帝終不用乃求外出又

不許與勉素善遂以書陳情於勉勉爲言於高祖  
請三司之儀弗許但加鼓吹而已

約暮年欲請歸秩故云百日數旬革帶尚應移孔  
以手握臂卒計月小半分今詩人動引沈郎腰瘦  
豈不可笑○約報劉博士書句韻之間光影相照  
便照此地自然十倍故知麗辭之益其事宏多

桐栢山金庭館碑銘

夫生靈爲貴有識斯同道天云及終天莫反故仙學  
之秘上聖攸尊啟玉笈之幽文貽金壇之妙訣駐景  
濛谷還光上枝吐吸烟霞變練丹液出沒無方升降



已下栖洞室上賓群帝覩靈岳之驟啟見滄波之  
屢竭望玄州而駿驅指蓬山而永驚芝蓋三重駕螭  
龍之蜿蜒雲車萬乘載旗旆之逶迤此蓋栖靈五嶽  
未暨夫三清者也若夫上玄奧遠言象斯絕金簡玉  
字之書玄霜絳雪之寶俗士所不能窺學徒不敢輕  
慕目禁誓嚴重志業艱劬自非天稟上才未易可擬  
自惟凡劣識鑒鮮方徒抱出俗之願而無致遠之力  
早尚幽栖屏棄情累留愛巖壑托分魚鳥塗愈遠而  
靡倦年旣老而不衰高宗明皇帝以上聖之德結宗  
玄之念忘其菲薄曲賜提引來自夏洊固乞還山權

慈汝南縣境固非息心之地聖主纘歷復蒙繫維永  
泰元年方遂初願遂遠出天台定居茲嶺所憩之山  
實惟桐栢實靈聖之下都五縣之餘地仰出星河上  
參倒景高嵯萬沓邃澗千迴因高建壇憑巖考室飭  
降神之宇置朝禮之地桐栢所在厥號金庭事曷靈  
圖因以名館聖上曲降幽情留信彌密置道士十人  
用祈嘉祉越以不才首膺斯任未棄人羣竄景窮麓  
結懇志於玄都望霄容於雲路仰宜國靈介茲景福  
延吉祥于清廟納萬壽於神躬又願道無不懷澤無  
不至幽荒屈膝戎貊稽顙息鼓輟烽守在海外因此



自勉兼遂微誠日久勤劬自強不已翹心屬念晚臥  
晨興食正陽于停午念孔神於中夜將三芝而延佇  
飛九丹而宴息乘鳧輕舉留舄忘歸以茲丹轂表之  
玄極無曰在上曰鑒非遠銘石靈館以旌厥心其辭  
曰道無不在若存若亡於惟上學理妙群方用之曰  
損言則非常儵焉靈化羽變霓裳九重崑崙三山曜  
璨日爲車馬芝成宮觀虹旌拂月龍輶漸漢萬春方  
華千齡始旦伊予菲薄竊慕隱淪尋師講道結友問  
津東採震澤西游漢濱依稀靈眷髣髴幽人帝明紹  
歷惟皇纂位屬心鼎湖脫屣神噐降命凡底仰祈靈

秘瞻彼高山興言覆簣啟基桐栢厥號金庭喬峰迥  
峭擘漢分星臨雲置墀駕岳開櫺闥塗甃產林祈蔥  
菁誰謂應遠神道微密慶集宮闈祥流竿畢其久如  
地其恒如日壽同南山與天無卒吏生變煉外示無  
功少君飛轉密與神通因資假力輕舉騰空庶憑嘉  
誘永濟微躬

奏彈王源

給事黃門侍郎兼御史中丞吳興邑中正臣沈約稽  
首言臣聞齊大非偶鄭太子辭齊文姜著乎前誥辭霍不婚  
儒不垂稱徑烈若乃交二族之和辨伉合之義升降  
疑



蘇氏  
來婚  
無責  
全梁則不  
可

竊隆誠非一揆固宜本其門素不相奪倫使秦晉有  
匹涇渭無舛自朱氏失御禮教彫衰衣冠之族日失  
其序姻婭淪雜罔計斯庶販鬻祖曾以爲賈道明目  
腆顏曾無愧畏若夫盛德之胤世業可懷樂郤之家  
前徽未遠旣壯而室竊貲莫非阜隸結褵以行箕箒  
咸失其所志士聞而傷心舊老爲之嘆息自宸歷御  
寓弘革典憲雖除舊布新而斯風未殄陛下所以負  
宸輿言思清澈俗者也臣實懦品謬掌天憲雖埋輪  
之志無屈權右而狐鼠微物亦蠹大猷風聞東海王  
源嫁女與富陽蒲氏源雖人品庸陋曹雖參華曾祖

雅位登八命祖少卿內侍帷幄父璿升米儲闈亦居  
清顯源頻叨諸府戎禁豫班通微而託姻結好唯利  
是求玷辱流輦莫斯爲甚源人身在遠輒攝媒人劉  
嗣之到臺辨問嗣之列稱吳郡滿璋之相承云是高  
平舊族寵奮胤胄家計溫足見託爲息鸞覓婚王源  
見告窮盡卽索璋之簿閱見璋之任王國侍郎鸞又  
爲王慈吳郡正閤主簿源父子因共詳議判與爲婚  
璋之下錢五萬以爲聘禮源先喪婦又以所聘餘直  
納妾如其所列則與風聞符同竊尋璋之姓族士庶  
莫辨滿奮身殞西朝胤嗣殄歿武秋之後無聞東晉



其爲虛託不言自顯王滿連姻寔駭物聽潘楊之睦  
有異于此且買妾納媵因聘爲資施衿之費化充牣  
第鄙情贅行造次以之糾慝繩違允茲簡裁源卽主  
臣謹案南郡丞王源忝藉世資得參纓冕同人者貌  
異人者心以彼行媒同之抱布且非我族類徃哲格  
言薰不猶雜聞之前典豈有六卿之胄納女于管庫  
之人管庫賤人也宋子河魴同穴于輿臺之鬼輿臺賤臣也高

門降衡雖自己作蔑祖辱親于是爲甚此風弗剪其  
源遂開黜世臣家將被比屋宜寘以明科黜之流伍  
使已污之族永愧于昔辰方媼之黨幸心于來日

建平王讓右將軍荊州刺史表

梁江淹

茂寵廼臨炫奪彝典巡恩鏡飾攬情震慮

中謝

臣聞該

秩詔序匪賢莫能孚其職端維裂陝非功無或濫其  
選所以輪鞅國典締結民紐五威咸平四精式訓者  
也臣踐行迷方試業敝緒徒以綴采宗苧承渥帝席  
執圭帶筆亟荷出內至乃曳組河縣蒞馴羽之化鳴  
環京轂謝擇鱗之政聲績雨無風化雙缺而龜鈕未  
剔璽書頻降復改照湘區分瑞衡服競無賈琮交部  
之廉終乏郭伋并壤之信固以誼沓民明湫監身風



不悟皇靈再輝河海重渥遂踰恒采妄責異等荆門  
務要方城任積水交沅澧山通岷峨襟帶百縣縈抱  
七州上德懋勛尠居斯地寧臣膠所宜膺荷是以焦  
薄魂色驚迫心影謹刷睿情置露弱志伏願陛下停  
旒弛珙暫炤瑣曲則鑄才式弘練物惟逮王度旣清  
蒙識以泰不勝慙懔屏營之情

蕭驃騎謝被侍中慰勞表

臣某言卽日侍中祕書監臣敢至奉宣詔旨慰勞便  
受國中帷練甲外壘旌麾蔽景輿徒韓氣人懷秋嚴  
士蒿霜斷晦魂已掩氛豎未縣稽顙拜威寢興震慨

又讓太尉

曾封表淮

酒猶梗而

魏未賓

京久無

之醫

思賢金獻  
師乃為少  
雪庸誠微  
謝天眷耳

今王人臨郊皇華降庭輝耀望實將激威武戴鵬之  
夫迎光蹀恩投石之師攀炤竦惠楚續越醪方茲慚  
潤臣系屬閫私彌抱渥洽不任下情

蕭被尚書敦勸重讓表

臣公言臣五寫丹翹直蒙凝炤一降王人遂無蠲察  
復遣尚書臣武兼侍中臣奐等奉宣慈靈重賜勉誨  
鏡伏廻環惘默失圖心魄交悚淵谷匪譬中臣自初

被詔迄于今時載慙載疑以悚以厲豈非深恩鴻興  
永憂未躬故琴瑟徒鳴不傳廣樂之響燈燼空舉焉  
續經星之耀何則卓乎小者不足以任大守于蔽者



閔人重玄  
古來文之  
附卷江

不可以語通臣器之淵源識暗機務倫濟夷險每憑  
璿曆之遠龕折氛蜺輒資群才之効臣寧有採奇鑒  
隱之能綱國提民之功乎不謂過延渥洽謬攀河漢  
榮宗蓋蓋寵華晬映藉聲探議共知其幸况傳保之  
崇殷周特貴特司之寄魏晉稱重上昭妙德次擬英  
勛有踰茲序。尠不紊裂。今陛下方闢金門之聽。調繡  
宸之政。何得去禮廢雅。近於臣始。旣亡蘭章。孰表後  
世。臣才孤位峻。待臯亡日矣。情哀理感。事盡於斯。伏  
願一運天景。微見藿心。則物不逃形。臣何恨焉。不勝

馬憂狼狽之至

建平王聘隱逸教

振冠風  
昂品流

府州國紀綱夫。矯夏已沒。大道不行。雖周惠之富。猶有魚潭之士。漢教之隆。亦見栖山之夫。迹絕雲氣。意負青天。皆待絳螭。驤首翠虬。來儀是以遺風。猶扇百代。餘烈激厲後生。斯乃王教之助。古人之意焉。吾琬駕舊楚。憩乘汀潭。挹於陵之操。想漢陰之高。而山川遐人。流風亡沫。養志數人。並未徵采。善操將棄。良用慨然。宜速詳舊禮。各遣纁招。庶暢此幽襟。以旌蓬蓽。

勅爲朝賢答劉休範書

昔矯道鼎昌。干羽未能戢。姬德昭宣。長旌猶卷。舒焚



衣毀冕有自來矣。皇宋靈武誕命道鬱終三后連光  
四聖沓軌或經天緯地。構紫靈之符調風偃海。隆黃  
旗之祚莫不頌滿。金石聲影宇宙者也。暨我太宗明  
皇帝。惟○睿○降○聖○重○耀○函○夏○延○禮○壁○臺○訪○道○衢○宰○平○陽○  
之○后○卷○迹○慙○靈○空○同○之○君○歛○功○謝○德○是○以○彩○雲○祥○風○  
之瑞布濩區中。梯山棧火之俗款微。請吏跨商軼夏  
洗周滌漢道澤優衍。猶不道封禪遐靈在天。餘惠無  
氓主上文明金相穆然王色履壁之禎獲珪之應著  
在紀歲仁浸汚河惠愛秋艸想亦君之所聳也。重以  
先帝靈略潛通英轡遠馭受話言必忠貞方肅之臣

奉風聲。必虔恭。匪懈之士。明時琴瑟。鼎鉉之盛。且被  
於寧世。而忽覲來書。以惋以慨。君爲齊梁楚越之主。  
鼎貴一時。金玉滿堂。文馬千駟。爵授湯沐。冠蓋於道。  
惟名尊崇。誰與爲雄。而出言効尤。吐音入矣。舉旗類  
社。志竊神禁。稱兵歛衆。遂窺外關。今朝無闕政。頓構  
凌上之節。室無孽豎。坐生莫大之釁。鳴梟赭衣。號興  
徒黨。主萃淵藪。寧滋之甚。不臧不軌。不忠不義。未有  
若斯者也。宗枝之釁遠。則吳楚見禽於一壁。盤石之  
燬近。則江荆面縛於小將。此成敗蘭艾之鑒。又亦君  
之所知也。聞彼此飲鼠舞之異。蚤見物徵。河北隴上。



向華符丹  
無形屈素  
甲生波樓  
煩白羽投  
鞍成岳岳  
陽黑騎浴  
鉄爲群於  
是高山與  
深谷共烟  
紫芝與白  
艾同漢

之謹已露童咏。所謂妖由人作孽不可逃。然桓侯之  
患良助寒心。今羽林黃頭駱驛爭引熊渠。攸飛首尾。  
電發伏波樓船。掩江蔽汜。渡遼甲卒充墊。布隰加以  
先天蓋世之畧。蕩海拔山之威。任輔沛陳羽林鷁鵬。  
露動龍驤精騎。風驅然後六師雲起。九軍星連。蜺旌  
外江虹艦中。水金甲映平陸。鐵馬炤長原。楚南岳而  
永慨。瞰九孤而懷恐。伐罪弔民。復驗於茲。甫刑三千  
唯此爲大。僕才等不羈志。瀝丹款。故奏禍福行矣。悵  
然哀楮。劉肅等疏。

按遺波于  
遙緒颯流  
馨于遠巖  
○歛覓幽  
石委氣空  
山層若流  
波身如絕  
煙

友人表炳字叔明陳毘陽夏人其人天下之士幼有  
異才學亡不覽文章俶儻清贍出一音任心觀書不  
爲章句之學其篤行則信義惠和意罄如也常念蔭  
松柏詠詩書志氣跌宕不與俗人交俛眉暫仕曆國  
常侍員外郎府功曹臨湘令粟之入者悉散以贍親  
其爲節也如此數百年來有此人焉至乃好妙賞文  
獨絕於世也又撰晉史奇功未遂不幸卒官春秋二  
十有八與予有青雲之交非直啗杯酒而已嗟乎斯  
才也斯命也天之報施善人何如哉何如哉

齊故司徒右長史檀超墓志文



三上作山  
水房雲  
象生詩

惟金有銑。惟玉有珪。君實淵哉。行爲世標。高志洒落。  
逸氣寥寥。與學內溢。深文外昭。嘉采籍譽。登國振朝。  
亦既有美。筠傷蕙彫。人邇運曠。世促道遼。永矣仁矣。  
流芳亡澆。

蕭驃騎祭石頭戰亡文

激風太上  
扇承至公

咸告忠貞之。竟曰義惟行首雄。實士節。嗟爾驍驚稟。  
才蹈烈守玉不渝懷。冰可折氣彰靡旗情。皦亂轍高。  
墉摧堅巨醜挫銳。深痛克矜冤靈及雪隆恩殊悼臨。  
爾以歎千秋同盡百齡一世。竟而有知咸無遠邇鳴。  
呼哀哉。

與交友論隱書

江淹

夢兩株樹  
十莖草之  
聞耳文亦  
如是

淹者海濱窟穴釣爲伍自度非奇力異才不足聞  
見於諸侯每承梁伯鸞臥於會稽之墅高伯達坐於  
華陰之山心常慕之而未能及也嘗感子路之言不  
拜官而仕無青組紫紱龜虎符之志但欲史曆巫  
卜爲世俗賤事耳而影代十載竟不免衣食之敗何  
則性有所短不可韋茲者有五。一則體本疲緩臥不  
肯起。二則人間應脩酷嬾作書。三則賓客相對口不  
能言。四則性甚畏動事絕不行。五則愚婞妄發輒彼  
口語有五短而無一長豈可處人間邪知短而不可



以紫天爲  
宇環海爲  
池。渠身太  
笑被髮行  
歌其次則  
堅生崩岸  
僵臥深窟  
朝餐松屑  
夜誦仙經  
其下則辟  
朱城市退

易者所謂輪椎分定也。猶如鷄鶩之有毛。不能得鸞  
鳳之光采矣。況今年已三十。白髮雜生長。夜輾轉亂  
憂。非一以溘至之命。如星殞天促。光半路不攀長意。  
徒自欺取筋。驚水冷殊多。灾恙心頑質。堅偏好冥默。  
既信神農服食之言。久固天竺道士之說。守清淨煉  
神丹。心甚愛之行。善業度一世。意甚美之。今但願拾  
薇藿。誦詩書。樂天理性。斂骨折步。不踐過失之地耳。  
猶以妻孥未奪。桃李須陰。望在五畝之宅。半頃之田。  
鳥赴簷上。水匝階下。則請從此隱。長謝故人。若乃登  
嘯。度流沙。餐金石。讀仙經。嘗聞其驗。非今日之所

岩谷塞  
絕實杜  
不出

言也誰謂難知青鳥明之貴布筆墨然亦焉足道哉  
淹少孤貧好學沈靜寡交游其自序云長慕司馬  
長卿梁伯鸞之徒所與神游者惟陳留表叔明而  
已爲吳興令三載復還京師值世道已昏守志閒  
居不交當軸之士

淹嘗云爲建安吳興令地在東南嶠外閩越之舊  
境也爰有碧水丹山珍木靈草皆淹生平所至愛  
不覺行路之遠矣。山中無事與道書爲偶乃悠然  
獨往或日久忘歸放浪之際頗著文章自娛蓋吏  
隱云



吾不妄當此之士

日食吳興今三韓鄭毀京祠前此幾日吾守志固

吳興采節鸞之封祖與輒獲昔謝刺時素與陳

亦少所食汝學必精寒交滿其自京云吳興同

言山錯陷蠟映青島肥之貴亦筆墨然亦無早

新論

梁劉勰

情慾之萌如木之將蘖火之始熒手可掣而斷露可  
滴而滅及其熾也結條凌雲煽燦章華雖弱力還斤  
竭池灌水而不能禁其勢盛也嗜慾之萌耳目可關  
而心意可鑰至于熾也雖褻情卷慾而不能收其性  
敗也如能塞兌于未形禁慾于危微雖求悔悵其可  
得乎防嬰兒傷人而被傷者不以爲怨侏儒嘲人而  
獲嘲者不以爲辱何者扶利以爲己有情于譽飽雖  
蒙惠而非德無情於傷辱雖獲毀而無憾魚不畏網  
而畏鵠復讐者不怨鎔鄒而怨其人網無心而鳥有



神思論意

翻空而易

奇言微寔

而難巧又

聖賢者

下多

情。劒。無。情。而。人。有。心。也。使。信。士。分。財。不。如。投。策。探。鈞。  
使。廉。士。守。藏。不。如。閉。扃。全。封。何。者。有。心。之。于。平。不。若。  
無。心。之。不。平。也。有。慾。之。于。廉。不。若。無。慾。之。不。廉。也。今。  
人。目。若。驪。珠。心。如。權。衡。評。人。好。醜。雖。言。得。其。實。彼。必。  
嫌。怨。及。其。自。照。明。鏡。摹。倒。其。容。醜。狀。既。露。則。內。慙。而。  
不。怨。向。之。評。者。與。鏡。無。殊。然。而。向。怨。今。之。慙。者。以。鏡。  
無。情。而。人。有。心。也。情去未。有。不。因。學。而。鑒。道。不。假。學。以。  
光。身。者。也。夫。蠶。繰。以。爲。絲。織。爲。縑。紵。績。以。黼。黻。則。王。  
侯。服。之。人。學。爲。禮。儀。雕。以。文。藻。而。世。人。榮。之。璽。之。不。  
繡。則。素。絲。蠹。于。筐。籠。人。之。不。學。則。才。智。腐。于。心。胸。海。

蚌未剖則明珠不顯。崑竹未斷則鳳音不彰。性情未鍊則神明不發。遠而光華者節也。近而愈明者學也。夫還鄉者心務見家。不可以一步至也。慕學者情纏典素。不可以一讀能也。崇學夫兩葉掩目則冥然無覩。雙珠填耳必寂寞。無聞葉作目蔽。珠爲耳鯁。二關外擁視聽。內隔故其宜也。而離婁察秋毫之末。不聞雷霆之聲。季子聽清角之韻。不見嵩岱之形。視不關耳。而耳不見聽。不關目。而目不聞者。何也。心溺秋毫。意入清角。故也。學專今處顯而修善在隱。而爲非是。清旦冠履而昏夜裸跣也。荃蓀孤植。不以巖隱而歇。



其芳石泉潛流不以澗幽而不清人在暗密豈以隱

翳而廻操獨仁愛附人堅于金石金石可銷而人不

可離故君者壤也人者卉木也未聞壤肥而卉木不

茂君仁而萬人不盛矣愛勢苟就壅則口目雙掩遇

必屬通則聲眺俱明故處穴大呼聲鬱數仞順風長

叫響通百里入井望天不過圓蓋登峯眺日極于烟

際向在井穴之時聲非卒噉日非暴昧而聞見局者

其勢壅也及其乘風蹈峯聲非孟賁目非離婁而響

徹眺遠者其勢通也買臣忍饒而行歌王章苦寒而

坐泣蘇秦握錐而憤薄班超執筆而慷慨當彼四子

勢屈之時容色顰黑神情沮忸言爲瓦礫行成狂狷  
髮露心憂影銷貌悴引歎而雷轉噴氣則雲湧如騏  
驥之伏于鹽車玄猿之束于籠圈非無千里之駛萬  
仞之捷然而不異羸鈍者無所肆其巧也何異處穴  
而望聲徹入井而欲睇博哉及其勢伸志得或佩錦  
而還鄉或聲玉于廊廟或合縱於六國之內或懸旌  
于崑崙之外當斯之時也容彩光煊神氣開發言成  
金玉行爲世則乘肥衣輕怡然自得漂若輕鷗之汎  
長波沛若吞舟之颶大壑何異順風而縱聲登峯而  
長矚人猶是也而昔如彼今如此者非謂昔愚而今



賢故醜而新美壅之與通也。水之性清動壅以堤則  
波紐而氣腐決之使通循勢而行從澗而轉雖有朽  
骸爛卉不能污也。非水之性異通之與壅也。人之通  
猶水之通也。德如寒泉假有沙塵弗能污也。以是觀  
之通塞之路與榮悴之容相去遠矣。通塞聖賢受天殊  
相而生者也。舜目重瞳是至明之相而項羽王莽亦  
目重瞳子。越王勾踐長頸烏喙非善終之象而夏禹  
亦長頸烏喙。王莽之重瞳譬駑馬有驥之一毛而不  
可謂之驥也。勾踐長頸烏喙猶虺有龍之一鱗而不  
可謂之龍也。命相伏臘合歡必歌採菱牽石拖舟則歌

噓與非無激楚之音然而棄不用者方引重抽力不  
如噓與之宜也卞莊子之昇殷庭也鳴佩趨愴溫色  
怡聲及其搏虎必攘袂鼓肘瞋目震嘯非不知溫顏  
下氣之美然而不能及者方格猛獸不如攘袂之宜  
也安陵神童通國之麗也八音繁會使以噉吹噤聲  
而人悅之則不及瞽師侏儒之美地啣之珠百代之  
傳寶以之彈鵠則不如泥丸之勁也棠谿之劒天下  
之銘也用之穫穗曾不如鈎鎌之功也此四者美不  
常珍惡不終廢用各有宜也昔野人弃子貢之辯而  
悅馬圍之辭越王退吹籟之音而好鄙野之聲非子



貢不及馬圉。吹籟不若野聲。然而美不必合惡而見珍者。物各有用也。若使甯子結客于孟嘗。則未免追軍之至。囚繫之辱也。若使鷄鳴託于齊桓。必不能光輔于霸道。九合諸侯也。時須過關。莫若鷄鳴欲隆霸主。莫若商謠。商謠之雅。而鷄鳴之鄙。雖美惡有殊。至于適理排難。其揆一也。關雎興于鳥。而爲風之首。美其摯而有別也。鹿鳴興于獸。而爲雅之端。嘉其得食而相呼也。夫以鳥獸之醜。苟有一善。詩人歌詠以爲美談。奚況人之有善。而可棄乎。適才不以春日遲遲而毀羔。裊秋露灑葉而剔筭席。一世之間而文。

武遽爲雄雌以此言之治亂異時隨務用才也

今代之人爲武者則非文爲文者則嗤武各執其所

長而相是非猶以官笑角以白非黑非適才之情得

實之論也

文

天有卷舌之星人有緘口之銘所以警

恍言防口訖也

慎

人目短于自見故借鏡以觀形髮

拙于自理必假櫛以修束心闇於自炤則假言以策

行

貴

或怨大而成小或憾輕而至重深讐不必危而

睚眦未可易也譬如風焉披雲飛石捲水蹙木而人

血脉不爲之傷隙穴之風輕塵不連毛髮不撻及中

腴膚以爲深疾大不爲害小而成患者大風散漫小



風激射也。故漢祖免貫高之逆。魏后曹操泄張繡之  
讐。韓信削少年之辱。安國釋田甲之慢。此皆遇英達  
之主。寬廓之衿。得以深怨而不爲讐也。魯酒薄而邯  
鄲圍。羊羔備而宋師敗。郈孫以鬪鷄亡身。齊侯以笑  
嬪破國。皆以輕蔑細怨。忘樹禍端。以酒食戲笑之故。  
敗國滅身爲天下笑。不慎故也。慎累榭洞房。珠簾玉  
宸。人之所悅也。鳥入而憂。聳石巉巖。輪茵糾結。援狔  
之所便也。人上而慄。五英六莖。咸池簫韶。人之所樂  
也。獸聞而振。懸瀨碧潭。瀾波洶湧。魚龍之所安也。人  
而畏。殊威務雖均。稅速爲上。決謀或同。遲緩爲下。好

何者才能成功以速爲貴智能決謀以疾爲奇也善  
齊事者若救火拯溺明其謀者猶驥捷矢疾今焚燃  
燔室則飛馳灌之湍波漂人必奔游拯之若穿井而  
救火則燔驪棟焚矣方鑿舟而拯溺則葬江魚之腹  
中矣貴速江河之流爛背漂屍縱橫接連而人飲之者  
量大故也盆盂之水鼠尾一曳必嘔吐而棄之者量  
小故也枳棘之生數寸而抽枝櫟樟之植百尺而蔭  
柯其何故耶豈非質小者而枝條蕪之而體大者節  
目疎乎是以達者之懷則混濔而無涯徧人之情必  
刺覈而煩細觀量寒山有獸其名曰貍其角當心俯而



磨之憤心而死。炎洲有鳥。其名曰梟。偃伏其子百日。而長。羽翼既成。食母而飛。蜀侯之貪。石牛牛逾近而身轉危。何異貍磨其角。角逾利而身速亡乎。白公之貪財。財逾積而身逾滅。何異梟之養子。子逾長而身就害也。是以達人觀禍福之機。鑒成敗之源。不以苟得。自傷。不以過。害。老子云。多藏必厚亡。禮云。積而能散。皆明止足之分。祛貪吝之萌也。貪愛賞者。所以辯情也。評者。所以繩理也。賞而不正。則情亂于實。評而不均。則理失其真理之失也。出于貴古而賤今。情之亂也。在乎信耳而棄目。古今雖殊。其迹實同耳。日

誠異其識則齊識齊而賞異不可以稱正迹同而評殊未得以言評評正而賞翻則情理並亂也正梗柎賞鬱蹙以成縛錦之瘤時蛤結痂而銜明月之珠鳥激則能翔青雲之際矢驚則能踰白雪之嶺激通今人進不知退鳬腐榮華剗絕嗜慾被麗絃歌取媚泉石退不能披策樹勲毗贅明時空蝗深黍枯沒歲華生爲無聞之人沒成一棺之土亦何殊草木自生自死者哉歲之秋也涼風鳴條清露變葉則寒蟬抱樹而長叫吟烈悲酸蟬近秋而悲怨瑟于落日之際何也哀其時命迫于嚴霜而寄悲于苑柳今日向西峯道業



老子芳心  
海口能吐  
至道通別  
至道真諦  
西漢以來  
金宗儒駁  
此後眼也

未就鬱聲于窮岫之陰。無聞于休明之世。已矣夫。亦  
奚能不霑衿于將來。染意于松烟者哉。惜時忠孝者百  
行之寶歟。忠孝不修。雖有他善。則猶玉屑盈匣。不可  
琢為珪璋。剡絲滿篋。不可織為綺綬。雖多。亦奚以為  
也。枯朽生于英華。英華歸于枯朽。山抱玉。故鑿之。  
江懷珠。則竭之。豹佩文。則剝之。人含智。則嫉之。智能  
知人。不能自知。神能衛人。不能自衛。故神龜以智見  
灼。靈虵以神見爆。孰知不智為智。不神為神乎。妙必  
假物。而物非生。妙巧必因器。而器非成巧。言苑

在北齊與楊僕射書

徐陵

陵叩頭叩頭夫一言所感凝暉照於魯陽一志冥通  
飛泉涌於疏勒况復元首康哉股肱良哉隣國相聞  
風教相期者也天道窮剝鍾亂本朝情計馳惶公私  
哽懼而骸骨之請徒淹歲寒顛沛之祈空盈卷軸是  
所不圖也非所仰望也執事不聞之乎昔分鼇命鳥  
之世觀河拜洛之年則有日烏流災風禽騁暴天傾  
西北地缺東南盛旱圻三川長波含五嶽我大梁應  
金圖而有亢纂玉鏡而猶屯何則聖人不能爲時斯  
固窮通之恒理也至如荊州刺史湘東王機神之本



無○寄○名○言○陶○鑄○之○餘○猶○爲○堯○舜○雖○復○六○代○之○舞○陳○于○  
纁○章○九○州○之○歌○登○於○司○樂○虞○夔○拊○石○晉○曠○調○鐘○未○足○  
頌○此○英○聲○無○以○宣○其○盛○德○者○也○若○使○郊○禋○楚○翼○寧○非○  
祀○夏○之○君○戡○定○艱○難○便○是○匡○周○之○霸○豈○徒○函○王○徙○雍○  
暮○月○爲○都○姚○帝○遷○河○周○年○成○邑○方○今○越○裳○藐○藐○駟○雉○  
北○飛○蕭○沓○茫○茫○風○牛○南○偃○吾○君○之○子○含○識○知○歸○而○答○  
旨○云○何○所○投○身○斯○其○味○喻○一○也○又○晉○熙○等○郡○皆○入○貴○  
朝○去○我○潯○陽○經○塗○何○幾○至○于○鐺○鐺○曉○漏○的○的○宵○烽○隔○  
激○浦○而○相○聞○臨○高○臺○而○可○望○泉○流○寶○盃○遙○憶○湓○城○峰○  
號○香○鑪○依○然○廬○嶽○日○者○鄱○陽○嗣○王○治○兵○滙○派○屯○戍○淪○

嬌娜之甚  
如絮舞風

波朝夕牋書。春秋方物。吾無從以躡屩。彼何路而  
鑣。豈其然乎。斯不然矣。又近者邵陵王通。和此國郢  
中。上客雲聚。魏都鄴下。名卿風馳。南浦豈盧龍之徑。  
於彼新開銅鉤之街。於我長閑。何彼途甚易。非勞於  
五丁。我路爲難。如登于九折。地不私載。何其爽歟。而  
答旨云。還路無從。斯所未喻。二也。晉熙廬江義陽安  
陸。皆云欵附。非復危邦。計彼中途。便當靜宴。自斯以  
北。桴鼓不鳴。自此以南。封疆未一。如其境外。脫殞輕  
軀。幸非邊吏之羞。何在匹夫之命。又此段賓遊。通無  
貨殖。忝非韓起。聘鄭私買。玉環吳札。過徐躬要。寶劍



由來宴錫凡厥囊裝行役淹留皆已虛罄散有限之  
微財供無期之久客斯可知矣且據圖剔首愚者不  
爲運斧全身庸流所鑒何則生輕一髮自重千鈞不  
以賈盜明矣。骨肉不任充鼎俎皮毛不足入貨財盜  
有道焉。吾無憂矣。又公家遣使脫有資須本朝非隆  
平之時遊客豈皇華之勢輕裝獨宿。非勞聚櫟之儀  
微騎閒行。寧望輶軒之禮歸人將從私具騾驢緣道  
亭郵唯希蔬粟若曰留之無煩於執事遣之有費於  
官司或以顛沛爲言或云資裝可懼固非通論皆是  
外篇斯所未唯三也。又若以吾徒應還侯景侯景以

逆殲我國家天下含靈人懷憤厲既不獲投身社稷  
衛難乘輿四冢磔蚩尤千刀剗王莽安所謂俛首頓  
膝歸奉寇讐佩珥腰鞬爲其皂隸日者通和方敦曩  
睦凶人狙詐遂駭狠心頗疑宋萬之誅彌懼荀瑩之  
請所以奔蹄勁角專恣憑陵凡我行人偏膺讐憾政  
復菹筋醢骨抽舌探肝於彼凶情猶當未雪海內之  
所知也君侯之所具焉又聞本朝王公都人士女風  
行雨散東播西流京邑丘墟蕞蓬蕭瑟偃師還望咸  
爲草萊霸陵回首俱沾霜露此又君之所知也彼以  
何義爭免寇讐我以何親爭歸委質昔鉅平貴將縣



重於陸公叔向名流深知於黷篋吾雖不敏常慕前  
脩不圖明庶有懷翻其以此量物昔魏氏將亡群凶  
挺爭諸賢勑力想得其朋爲葛榮之黨邪爲邢杲之  
徒邪如曰不然斯所未喻四也假使吾徒還爲凶黨  
侯景生於趙代家自幽恒居則台司行爲連率山川  
形勢軍國彙章不勞請箸爲籌便當屈指能算重以  
逋逃小醜羊豕同群身寓江臯家留河朔春春井井  
如鬼如神其不然乎抑又君之所知也且夫宮闈祕  
事。疊若雲霄。英俊計謨。寧非幃幄。或陽驚以定策。或  
焚藁而奏書。朝廷之士。猶難參預。羈旅之人。何階耳

目。至於禮樂。公革刑政。寬猛則謳歌已遠。萬舞成風。  
不知手之舞之。足之蹈之也。安在搖其牙齒爲間諜。  
者哉。若謂復命西朝。終奔東虜。雖齊梁有隔。尉侯奚。  
殊。豈以河曲之難浮。而曰江關之可濟。河橋馬度。寧。  
非宋典之姦。關路鷄鳴。皆曰田文之客。何其通蔽。乃。  
爾相妨。斯所未喻五也。又兵交使在。雖著前經。儻同。  
狗僕之尤。追肆寒山之怒。則凡諸元師。金釋縲囚。爰。  
及偏裨。同無翦馘。乃至鍾儀見赦。朋笑遵途。襄老蒙。  
歸。虞歌引路。吾等張旌式王。修好尋盟。涉泗之與浮。  
河郊勞。至於贈賄。公恩旣被。賓敬無違。今者何憊。翻。



蒙貶責若以此爲言斯所未喻六也若曰祇氛永久

喪亂悠然哀我奔波存其形鬼固已銘茲厚德戴此

麗○中○饒○逸○關○

洪恩譬渤澥而俱深方嵩華而猶重但山梁飲啄非

宋○表○一○派○

有意於樊籠江海飛浮本無情於鐘鼓況吾等營魂

已謝餘息空留悲默爲生何能支久是則雖蒙養護

更天天年若以此爲言斯所未喻七也若云逆豎殲

夷當聽反命高軒繼路飛蓋相隨未解其言何能善

指點年華亦成文字

謹夫屯亨治亂豈有意於前期謝常侍今年五十有

一吾今年四十有四介已知命賔又杖鄉計彼侯生

肩隨而已豈銀臺之要彼未從師金龜之方吾知其

諛政恐南陽菊水竟不延齡東海桑田無由佇望若  
以此爲言斯所未喻人也足下清襟勝託書園文林  
凡自洪荒終乎幽厲如吾今日寧有其人爰至春秋  
微宜商略夫宗姬殄隆霸道昏凶或執政之多門或  
陪臣之涼德故臧孫有禮翻囚與國之賓周伯無憊  
空怒天王之使遷箕卿於兩館繫驥子於三年斯匪  
貪亂之風邪寧當今之高例也至於雙嶠且帝四海  
爭雄或構趙而侵燕或連韓而謀魏身求盟於楚殿  
躬奪璧於秦庭輸寶鼎以託齊王馳安車而誘梁客  
其外膏脣販舌分路揚鑣無罪無辜如兄如弟逮乎



中陽受命。天下同規。巡省諸華。無聞幽辱。及三方之  
霸也。孫甘言以妖媚。曹屈詐以羈縻。終軫歲。到於句  
吳。冠蓋年馳於庸蜀。則客嘲殊險。賓戲已深。共盡遊  
談。誰云猜忤。若使搜求故實。脫有前蹤。恐是叔世之  
姦謀。而非爲邦之勝略也。抑又聞之。雲師火帝。澆淳  
乃異其風。龍躍麟驚。王霸雖殊。其道莫不崇君親。以  
詔物敦敬。養以治民。預有邦司。曾無隆替。吾奉違溫  
清。仍屬亂離。冠虜猖狂。公私播越。蕭軒靡御。王舫誰  
持。瞻望鄉關。何心天地。自非生憑廩竹。源出空桑。行  
路含情。猶其想愍。常謂擇官而仕。非曰孝家擇事。而

趨非云忠國況乎欽承有道驟駕前王郎吏明經鴟  
鳶知禮巡方省化咸問高年東序西膠皆尊者耄耄吾  
以圭璋玉帛通聘來朝屬世道之屯期鍾生民之否  
運兼年累載無申元直之祈銜泣吞聲長對公閤之  
怒情禮之訴將同逆鱗忠孝之言皆應辭舌是所不  
圖也非所仰望也且天倫之愛何得忘懷妻子之情  
誰能無累夫以清河公主之貴餘姚書佐之家莫限  
高卑皆被驅略自東南醜虜抄販飢民臺署郎官俱  
餒墻壁況吾生離死別多歷暄寒孀室嬰兒何可言  
念如得身還鄉土躬自推求猶冀提携俱免凶虐夫



四○聰○不○達○華○陽○君○所○謂○亂○臣○百○姓○無○冤○孫○叔○敖○稱○爲○  
良○相○足○下○高○才○重○譽○參○贊○經○綸○非○虎○非○豹○聞○詩○聞○禮○  
而○中○朝○大○議○曾○未○矜○論○清○禁○嘉○謀○安○能○相○及○謬○謬○非○  
周○舍○容○容○類○胡○廣○何○其○無○諍○臣○哉○歲○月○如○流○平○生○何○  
幾○晨○看○旅○雁○心○赴○江○淮○昏○望○牽○牛○情○馳○揚○越○朝○千○悲○  
而○掩○泣○夜○萬○緒○而○回○腸○不○自○知○其○爲○生○不○自○知○其○爲○  
死○也○足○下○素○挺○詞○鋒○兼○長○理○窟○匡○丞○相○解○頤○之○說○樂○  
令○君○清○耳○之○談○向○所○諮○疑○誰○能○曉○論○若○鄙○言○爲○戮○來○  
旨○必○通○分○請○灰○釘○甘○從○斧○鑊○何○但○規○規○默○默○齧○舌○低○  
頭○而○已○哉○若○一○理○存○焉○猶○希○矜○眷○何○必○期○今○我○等○必○

尾言之

死○齊○都○足○趙○魏○之○黃○塵○加○幽○并○之○片○骨○遂○使○東○平○拱○  
樹○長○懷○向○漢○之○悲○西○洛○孤○墳○恒○表○思○鄉○之○夢○于○祈○以○  
屢○哽○慟○增○深○徐○陵○叩○頭○再○拜○

北齊書楊愔字遵彥弘農華陰人天保中爲尚書  
右僕射太清二年徐陵副謝琨奉使於魏本朝隨  
有侯景之亂會齊受魏禪梁元承制江陵復通使  
於齊陵累求復命終拘留不遣乃致書僕射楊愔  
乞歸愔竟不報書及江陵陷齊送貞陽侯蕭淵明  
爲梁嗣遣陵隨還○陵字孝穆氣局深遠清簡寡  
欲爲一代文宗



東坡湖上  
詩文字帶  
芳鮮此文  
書之

# 玉臺新詠序

凌雲槩日由余之所未窺千門萬戶張衡之所曾賦  
周王璧臺之上漢帝金屋之中玉樹以珊瑚作枝珠  
簾以玳瑁爲柙其中有麗人焉其人也五陵豪族尤  
選掖庭四姓良家馳名水巷亦有潁川新市河間觀  
津本號嬌娥曾名巧笑楚王宮內無不推其細腰魏  
國佳人俱言訝其纖手閱詩敦禮非直東隣之自媒  
婉約風流無異西施之被教弟兄協律自小學歌少  
長河陽由來能舞琵琶新曲無待石崇塋篴雜引非  
因曹植傳鼓瑟於楊家得吹簫於秦女至若寵聞長

王竟與婦  
 書輕小初  
 開欲看笑  
 屬長眉如  
 羞愁對離  
 極又云鏡  
 臺新去應  
 餘落粉熏  
 爐未徙定  
 有餘烟淚  
 滴芳衾錦  
 花長濕愁  
 隨玉軫琴  
 鶴恒驚並  
 一時最艷  
 之文

樂陳后知而不平。盡出天僊閼氏覽而遙妬。且如東  
 隣巧笑來侍寢於更衣。西子微顰將橫陳於甲帳。陪  
 游駮姿騁纖腰於結風。長樂鴛鴦奏新聲於度曲。粧  
 鳴蟬之薄鬢。照墮馬之垂鬟。反插金釵。橫抽寶樹。南  
 都石黛。最發雙蛾。北地胭脂。偏開兩靨。亦有嶺上僊  
 童。分丸魏帝。腰中寶鳳。授曆軒轅。金星與婺女爭華。  
 麝月共嫦娥競爽。驚鸞冶袖。時飄韓掾之香。飛燕長  
 裾。宜結陳王之佩。雖非圖畫。入甘泉而不分。言異神  
 仙。戲陽臺而無別真。可謂傾國傾城。無對無雙者也。  
 加以天情開朗。逸思彫華。妙解文章。尤工詩賦。琉璃



硯匣終日隨身翡翠筆牀無時離手清文滿篋非惟  
芍藥之花新製連篇寧止蒲萄之樹九日登高時有  
祿情之作萬年公主非無累德之辭其佳麗也如彼  
其才情也如此旣而椒房宛轉栢館陰岑絳鶴晨嚴  
銅蠡晝靜三星未夕不事懷衾五日猶餘誰能理曲  
優游少託宋寔多閒厭長樂之疎鍾勞中宮之緩箭  
輕身無力怯南陽之擣衣生長深宮笑扶風之織錦  
雖復投壺玉女爲歡盡於百驍爭博齊姬心賞窮於  
六著無怡神於暇景惟屬意於新詩可得代彼萱蘇  
微蠲愁疾但徃世名篇當今巧製分諸麟閣散在鴻

都不藉篇章無由披覽於是燃脂瞑寫弄墨晨書撰  
錄艷歌凡爲十卷曾無參於雅頌亦靡濫於風人涇  
渭之間若斯而已於是麗以金箱裝之寶軸三臺妙  
迹龍伸蠖屈之書五色花箋河北膠東之紙高樓紅  
粉仍定魯魚之文辟惡生香聊防羽陵之蠹雲飛六  
甲高擅玉函鴻烈仙方長推丹枕至如青牛帳裏餘  
曲○旣○終○朱○鳥○牕○前○新○粧○已○竟○方○當○開○茲○縹○帙○散○此○綃○  
繩○永○對○玩○於○書○帷○長○循○環○於○織○手○豈○如○鄧○學○春○秋○儒  
者之功難習竇傳黃老金丹之術不成固勝西蜀豪  
家託情窮於魯殿東臺甲館流詠止於洞簫變彼諸



姬聃同棄日猗與彤管麗矣香奩

隋經籍志玉臺新詠十卷徐陵撰起古詩古樂府

盡梁代

繡口錦心又香又艷文士浪稱才情顧此應愧

丹陽上庸路碑

在天成象咸池屬於五潢在地成形滄海環於四瀆  
國險者固其金湯儲蓄者因於轉漕貨財爲禮專俟  
會通厥田爲上皆資滲漉大矣哉坎德之爲用也是  
以握圖之主財以利民御斗之君因之顯教上哉少  
昊初命水官逝矣高陽爰重冥職舜爲太尉于是九

澤載疏禹作司空然後百川咸導開垂山於高掌鑿

澤載疏禹作司空然後百川咸導開華山於高掌鑿  
靈沼於周源莫匪神功皆由聖德我大梁之受天明  
命勞已濟民有道稱皇無爲曰帝若夫雲雷艸創剪  
商黜夏之勲鑄寶鼎於昆吾安能紀勒陳鴻鍾於鄆  
岳豈易揄揚斯固名言之所絕也及乎膺斯寶運大  
拯橫流屈至道於汾陽勞凝神於藐射聖人作樂蕭  
韶備以九成喆王盡禮春官總於三代豈止金門桴  
竹玉尺調鍾公帶獻明堂之圖匡衡建后土之議若  
斯而已矣天降丹鳥旣序孝經河出應龍乃私周易  
若夫固天將聖垂意藝文五色相宜八音繁會不移



德詩賦本  
不可忽視

都是佩環

漏刻纔命口占御紙風飛天章海溢皆紫庭黃竹之  
詞晨露卿雲之藻漢之兩帝徒有詠歌魏之三祖空  
云詩賦以爲彭老之教終沒愛河儒會之宗方難大  
宅豈如五詩八會之殊文天上人中之妙典雪山羅  
漢爭造論門薦嶺名僧俱傳經藏香像之力特所未  
勝秋兔之臺書而莫盡忠信爲寶禳祈免於白駒明  
德惟馨山川舍於駢犢至如月離金虎泥染石牛會  
蔚朝興滂沱晚注而清蹕纔動纖羅不搖高閨將臨  
油雲自瀾陽鳥馭日寧懼武賁之弓飛雨彌天無待  
期門之益震維舉德非曰尚年若發居艷猶莊在漢

濤如白馬旣礙廣陵之江山曰金牛孰辨梅湖之路  
專州與郡青鳧赤馬之船皇子天孫鳴鳳飛龍之乘  
莫不欣斯利涉玩此修渠乍擁揖而長歌乃縱金而  
鳴籟斯實曠世之奇功無疆之鴻烈

答尹義尚書

別離二國雲雨十年。心想河陽言銅爵而無遠神遊  
漳水與金鳳而俱飛。第留連河北。義等周南。懷此殊  
才。實可傷歎。吾崦嵫旣暮。容鬢凋然。風氣彌留。砭藥  
無損。追惟疇昔。共備行人。家國安危。賓禮升降。懸壺  
代哭。俱歷春冬。移管于箕。同茲辛苦。鳴蜩抱樹。亟見



水歸鴈。銜蘆多。歷寒食。靜言念此。如何可忘。夫以  
腫之木。得免因於下才。穀鰥之牛。自保由於無用。  
嗟余鄙陋。未有龔生。唯歎吾賢不同。遽瑗爾。夫推溝  
拯溺。無切皇衷。逸翮飄鱗。見優機覽。所以降尺一之  
書。馳輶軒之使。心期與國。必遂還途。寧謂親鄰。更成  
難請。伊昔梁朝。共奉嘉聘。張茲大帛。處彼高閭。庭奏  
歌鍾。座延矯眄。賓客之敘。方於階阼。田獵之禽。同於  
君膳。正以鄉關阻亂。致爾拘留。家國隆平。義應旋反。  
韓宣屢至。宰孔頻還。翻爾遲廻。豈云鄰睦。

戒子書

徐勉

嘗讀鄭玄

戒子書徒

以亡親墳

壙未成所

好群書率

皆腐敝不

得於禮堂

寫定傳與

其人又曰

非飲食薄

衣服節夫

二者尚令

吾寡恨蓋

誠篤真至

有道之言

也

吾家本清廉故常居貧素至於產業之事所未嘗言  
 非直不經營而已薄躬遭逢遂至今日尊官厚祿可  
 謂備之每念叨竊若斯豈由才致仰藉先門風範及  
 以福慶故臻此爾古人所謂以清白遺子孫不亦厚  
 乎又云遺子黃金滿籬不如一經詳求此言信非徒  
 語吾雖不敏實有本志庶得遵奉斯義不敢墜失所  
 以顯貴以來將三十載門人故舊承薦便宜或使創  
 闢田園或勸興立邸店又欲舳舻運致亦令貨殖聚  
 斂若此衆事皆距而不納非謂拔葵去織且欲省息



紛紜。中年聊于東田開營小園者。非存播藝以要利。  
政欲穿池種樹。少寄情賞。又以郊際閑曠。終可爲宅。  
儻獲懸車致事。寔欲歌哭于斯。慧日十住等。旣應營。  
昏又須住止。吾清明門宅。無相容處。所以爾者。亦復。  
有以前割西邊施宣武等。旣失西廂。不復方幅意。亦。  
謂此逆旅舍爾何事。須華常恨時人。謂是我宅。古往。  
今來。豪富繼踵高門甲第。連闥洞房。宛其死矣。定是。  
誰室。但不能不爲培塿之山。聚石移果。雜以花卉。以。  
娛休沐。用託性靈。隨便架立。不存廣大。唯功德處。小。  
以爲好。所以內中逼促。無復房宇。近脩東邊兒孫二。

宅乃藉十住南還之資其中所須猶爲不少旣牽挽  
不至又不可中途而輟郊間之園遂不辦保貨與韋  
黯乃獲百金成就兩宅已消其半尋園價所得何以  
至此由吾經始歷年粗已成立桃李茂密桐竹成陰  
塍陌交通渠畎相屬華樓迴榭頗有臨眺之美孤峰  
叢薄不無糾紛之與瀆中並饒荷蓀湖裏殊富芰蓮  
雖云人外城闕密邇韋生欲之亦雅有情趣追述此  
事非有吝心蓋是事意所至爾憶謝靈運山家詩云  
中爲天地物○今成鄙夫○有○吾○此○園○有○之○二○十○載○今○爲○  
天○地○物○物○之○與○我○相○校○幾○何○哉○此○直○所○餘○今○以○分○汝○



營小田舍親累。旣多理。亦湏此。且釋氏之教。以財物  
謂之外命。外典亦稱。何以聚人。曰財。況汝常情。安得  
忘此。聞汝所買湖熟田地。甚爲島鹵。彌復可安。所以  
如此。非物競故也。雖事異寢丘。聊可髣髴。孔子曰。居  
家理事。可移於官。旣已營之。宜使成立。進退兩亡。更  
貽恥笑。若有所收。獲汝可自分。贍内外大小。宜令得  
所。非吾所知。又復應雷之諸女。爾汝旣居長。故有此  
令。凡爲人長。殊復不易。當使中外咸緝。人無間言。先  
物後已。然後可貴。老子云。後其身而身先。若能爾者。  
更招巨利。汝當自勗。見賢思齊。不宜忽略。以棄日也。

棄日乃是棄身身名美惡豈不大哉可不慎歟今之  
所勅略言此意政謂爲家以來不事資產暨立墅舍  
似乖舊業陳其始末無愧懷抱兼吾年時朽暮心力  
稍單牽課奉公略不克舉其中餘暇裁可自休或復  
冬日之陽夏日之陰良辰美景文案閒隙負杖蹣跚  
逍遙陋館臨池觀魚披林聽鳥濁酒一杯彈琴一曲  
求數刻之暫樂庶居常以待終不宜復勞家間細務  
汝交關既定此書又行凡所資須付給如別自茲以  
後吾不復言及田事汝亦勿復與吾言之假使堯水  
湯旱豈如之何若其滿庾盈箱爾之幸遇如斯之事

只○是○要○省○勞○碌○



過並無俟令吾知也記云夫孝者善繼人之志善述  
人之事今且望汝全吾此志則無所恨矣

勉雖居顯職不營產業家無蓄積奉祿分贍親族  
之貧乏者門人故舊或從容致言勉乃答曰人遺  
子孫以財我遺之清白子孫才也則自致輜輶如  
不才終爲他有嘗爲書戒其子云

與陳徐僕射求王琳首書

朱 瑒

竊以朝市遷貿傳骨鯁之風歷運推移表忠貞之跡  
故典午將滅徐廣爲晉家遺老當塗已謝馬孚稱魏  
室忠臣用能播美前書垂名後世梁故建寧公琳洛  
濱餘胄沂州舊族立功代邸効績中朝當離亂之辰  
總方伯之任輕躬殉主以身許國而天厭梁德尚思  
匡繼徒蘊包胥之念終遘萑弘之青洎王業光啟鼎  
祚有歸於是遠跡東山寄命河北雖輕旅臣之歎猶  
懷客卿之禮感茲知己忘此捐軀至使身沒九泉頭  
行萬里誠復馬革裹屍遂其生平之志原野暴骸會



過並無俟令吾知也記云夫孝者善繼人之志善述  
人之事今且望汝全吾此志則無所恨矣

勉雖居顯職不營產業家無蓄積奉祿分贍親族  
之貧乏者門人故舊或從容致言勉乃答曰人遺  
子孫以財我遺之清白子孫才也則自致輜輶如  
不才終爲他有嘗爲書戒其子云

勉垂書業刺其缺未無辭謝其子勉曰吾嘗以  
祖傳語言此意如暗風寒以來不復食蔬茹力  
寒日臥吳淞良良不美惡是不大非已不勤

與陳徐僕射求王琳首書

朱 瑒

竊以朝市遷貿傳骨鯁之風歷運推移表忠貞之跡  
故典午將滅徐廣爲晉家遺老當塗已謝馬孚稱魏  
室忠臣用能播美前書垂名後世梁故建寧公琳洛  
濱餘胄沂州舊族立功代邸効績中朝當離亂之辰  
總方伯之任輕躬殉主以身許國而天厭梁德尚思  
匡繼徒蘊包胥之念終遘長弘之肯洎王業光啟鼎  
祚有歸於是遠跡東山寄命河北雖輕旅臣之歎猶  
懷客卿之禮感茲知己忘此捐軀至使身沒九泉頭  
行萬里誠復馬革裹屍遂其生平之志原野暴骸會



彼人臣之節然身首異處有足悲者封樹靡卜良可  
愴焉瑒早遑末僚預叅下席降薛君之吐握荷魏公  
之知遇是用霑巾雨袂痛可識之顏回腸疾首切猶  
生之面伏惟聖恩博厚明詔爰發赦王經之哭許田  
橫之葬瑒雖芻賤竊亦有心琳經蒞壽陽頗存遺愛  
曾遊江石非無餘德比肩東閣之吏繼踵西園之賓  
願歸<sub>○</sub>境還<sub>○</sub>脩<sub>○</sub>窀<sub>○</sub>穸<sub>○</sub>庶孤墳旣築或飛銜土之燕豐  
碑式樹時留墮淚之人近故舊王綰等已有論牒仰  
蒙制議不遂所陳昔廉公告逝卽淝川而建塋域孫  
叔云亡仍苟陂而植楸檟由此言之抑有其例不使

壽春城下惟傳報葛之人。滄州島上獨有悲田之客。  
昧死陳所伏待刑憲。

北齊書王琳傳琳字子珩會稽山陰人事齊除揚  
州刺史鎮壽陽陳遣吳明徹圍琳城陷被殺傳首  
建康故吏梁驃騎府倉曹叅軍朱瑒致書陳尚書  
僕射徐陵求琳首脩葬陵嘉其志節又明徹亦數  
夢琳求首。益爲啟陳主而許之。瑒持首還淮南權  
瘞入公山側間道北歸別議迎接時有揚州人茅  
智勝等五人密送葬柩達於鄴。



裴叔則。朱稚。首。前。葵。刺。嘉。其。法。前。又。即。辦。亦。規。  
 裴。叔。則。吏。梁。縣。令。會。曹。參。軍。朱。默。姪。青。則。尚。書。  
 陳。史。龔。青。則。刺。豎。吳。即。辦。團。林。姓。則。新。吳。刺。首。  
 并。齊。舊。王。稚。則。稚。字。子。非。會。稽。山。劍。人。事。齊。劉。宋。  
 裴。叔。則。而。外。并。無。惠。

此碑在霸崖海旁開

與尚書令王儉書

梁張充

吳國男子張充致書於瑯琊王君侯侍者頃口路長  
愁霖韜晦涼暑未平攝無虧攝充幸以漁釣之間鑣  
採之暇時復以卷軸自娛逍遙前史從橫萬古動默  
之路多端紛綸百年升降其徒不一故以圓行方止  
用之異也金剛水柔性之別也善御性者不違金石  
之質善爲器者不易方圓之用所以北海掛簪帶之  
高河南降璽言之貴充生平少偶不以利欲干懷三  
十六年差得以棲貧自澹介然之志峭聳霜崖確乎  
之情峰橫海嶧影纓天閣旣謝廊廟之華綴組雲臺



終慙衣冠之秀所以擯跡江臯徜徉隴畔者實山氣  
岸疏凝情塗狷隔獨師懷抱不見許於俗人孤秀神  
崖每遭回於在世故君山直上蹙壓於當年叔陽賈  
舉韃轅乎千載充所以長群魚鳥畢影松阿半頃之  
田足以輸稅五畝之宅樹以桑麻嘯歌於川澤之間  
諷詠於澗池之上汎濫於漁父之游偃息於卜居之  
下如此而已充何識焉若夫驚巖聳日壯海逢天竦  
石崩尋分危落仞桂蘭綺靡叢雜於山幽松栢森陰  
相繚於澗曲元卿於是乎不歸伯休亦以茲長往若  
廼飛竿釣渚濯足滄洲獨浪烟霞高臥風月悠悠琴

酒岫遠誰來灼灼文談空罷方寸。不覺纓然千里路。  
阻江山每至西風何嘗不眷。聊因疾隙略舉諸襟持。  
此片言輕枉高聽丈人歲路未彊學優而仕道佐蒼  
生功橫海望入廟則協長倩之誠出議則抗仲子之  
節可謂盛德維時孤高獨秀者素履未詳斯旅尚耿  
茂陵之彥望冠蓋而長懷霸山之氓佇衣車而聳歎  
得無惜乎若鴻裝撰御鶴駕軒空則岸不辭枯山被  
其潤奇禽異羽或巖際而逢迎弱霧輕烟乍林端而  
恭謁東都不足奇南山豈爲貴充昆西之日姓岱表  
之一民蠶而衣畊且食不能事王侯覓知己造時人



騁遊說蓬轉於屠博之間其歡甚矣。丈人早累承華  
中逢崇禮肆上之眷望溢於早辰鄉下之言謬延於  
造次然舉世皆謂充爲狂充亦何能與諸君道之哉  
是以披聞見掃心胸述平生論語默所以通夢交魂  
推衿送抱者其惟丈人而已。關山賔阻書罷莫因儻  
遇樵者妄塵執事

此言雖疎高潔丈人雖拙未賦詩對面其歡甚矣  
四心山慈至西風吹散不眷懷因秋別鄉舉南歸林  
部幽裝結來幽然文結空羅式卡不覺然千里從

山栖志

不  
斷  
二  
根

夫鳥居山上曾巢木末魚潛川下窟穴沙泥豈好異哉蓋性然也故有忽白壁而樂垂綸負玉鼎而要卿相行藏紛糾顯晦晦駁無異火炎水流圓動方息斯則廟堂之與江海蓬戶之與金堂並然其所然悅其所悅余每意濯清瀨息椒丘寤寐烟霞其來尚矣所居東陽郡金華山山川秀麗臯澤蔥鬱若其群峯疊起接漢連霞喬林布濩春青冬綠回溪映流北則千仞洞底膚寸雲合千里雨散三面山皆周繞有象邪郭南則平野蕭條極目通望東西帶二澗則四時飛



園日涉以  
成趣

泉瀾清澍滴瀝生響白波跳洑湧成音楓楮椅  
栢之樹梓栢桂樟之木分形異色千族萬種結朱實  
苞綠裏搖白蒂抽紫莖櫛蠹萃萼梢風鳴籟垂柯簷  
戶布菜房櫨中谷澗濱華葩攢列至于青春受謝萍  
生泉動則都梁含馥懷香送芬長樂負霜宜男沍露  
芙渠紅蕖照水皋蘓縹菜從風憑軒遠眺調憂忘疾  
歲始年季農隙時閑濁醪初熟濟縹清新則有田家  
野老提壺共至班荆林下陳樽置爵酒酣耳熱屢舞  
囀。吹。盛。論。箱。庾。高。談。穀。稼。不。求。于。世。不。近。萬。物。莫。辨。  
榮辱匪知毀譽浩然天地之間心無怵惕之警

重答劉秣陵沼書

論劉沼  
非之書答  
自來其  
沼作書未  
出而身死  
孝標得之  
乃作此答

劉侯既重有斯難值。余有天倫之戚。竟未之致也。尋  
而此君長逝。化為異物。緒言餘論。蘊而莫傳。或有自  
其家得而示余者。余悲其音徽未沫。而其人已亡。青  
簡尚新。宿草將列。泫然不知涕之無縱也。雖隙駟不  
留。尺波電謝。而秋菊春蘭。英華靡絕。故存其梗槩。更  
酬其旨。若使墨翟之言無爽。宣室之談有徵。與東平  
之樹望。咸陽而西。靡蓋山之泉聞。絃歌而赴節。但懸  
劍空隴。有恨。



凡此並寄  
 手對新之  
 州師長天  
 前對舊未  
 以來其司  
 之善答

之。街。壁。如。是。而。而。報。益。山。之。泉。間。絲。烟。而。使。前。耳。憑。  
 其。音。清。如。墨。璧。之。言。無。爽。宜。室。之。結。育。端。與。東。平。  
 留。久。如。雷。騰。而。林。森。若。蘭。其。華。襲。鮮。姑。亦。其。野。梨。更。  
 前。尚。薄。帘。草。珠。既。如。然。不。映。漸。之。無。幾。也。雖。漸。暖。不。  
 其。寒。野。而。示。余。昔。余。悲。其。音。雖。未。來。而。其。人。已。亡。青。  
 而。此。保。身。強。壯。為。異。時。辭。言。翰。編。蘇。而。莫。朝。也。育。自。  
 際。外。翔。重。育。祺。繼。並。余。育。天。命。之。如。黃。未。之。姓。也。幸。

重登臨林刺印書

閑遊贊

戴逵

起曠絕

昔神人在上。輔其天理。知溟海之禽。不以籠樊服養。  
櫟散之資。不以斧斤致用。故能樹之於廣漠。棲之於  
江湖。載之以大猷。覆之以玄風。使夫淳朴之心。靜一  
之性。咸得就山澤樂閒。曠自此而箕嶺之下。始有閒  
遊之人焉。降及黃綺。逮於臺尚。個中人莫不有以保其太和。  
肆其天真者也。且夫巖嶺高則雲霞之氣鮮。林藪深  
則簫瑟之音清。其可以藻玄瑩。素庇其皓然者。舍是  
焉歸。故雖援世之彥。翼教之傑。放舞雩以發詠。聞乘  
桴而懷厲。况乎道乘方內。體絕風塵。理楫長謝。歌鳳



遶。巡。盪。入。疵。於。玄。流。澄。雲。崖。而。顧。神。者。哉。然。如。山。林。  
之。客。非。徒。逃。人。患。避。爭。門。諒。所。以。翼。順。資。和。滌。除。機。  
心。容。養。淳。淑。而。自。適。者。爾。況。物。莫。不。以。適。爲。得。以。足。  
爲。至。彼。閑。遊。者。奚。往。而。不。適。奚。時。而。不。足。故。蔭。映。巘。  
流。之。際。偃。息。琴。書。之。側。寄。心。松。竹。取。樂。魚。鳥。澹。泊。之。  
願。於。是。畢。矣。然。奇。最。難。均。玄。契。罕。遇。○古。皆。孤。棲。於。  
一。巘。獨。玩。於。一。流。苟。有。情。而。未。忘。有。感。而。無。對。則。綴。  
斤。寢。絃。之。歎。固。已。幽。結。於。林。中。○感。於。遐。心。爲。日。久。  
矣。我。固。遂。求。方。外。之。美。略。舉。養。和。之。具。爲。雜。贊。八。首。  
暢。其。所。託。始。欣。閑。遊。之。遐。逸。終。感。嘉。契。之。難。會。以。廣。

一往之詠以抒幽人之心云爾茫茫草昧縣邈玄配  
三極未鼓天人無際萬器既判大朴乃翳寔有神宰  
忘懷巧契冥外傍通潛感莫滯總順巢尚兼應夷惠  
緬矣遐心超哉絕步顧揖百王仰怡泰素矜其天真  
外其囂矜詳觀群品馳神萬慮誰能高佚悠然一悟  
郝超每聞欲高尚隱退者輒爲辦百萬資并爲造  
立居宇在剡爲達起宅甚精整達始往舊居

負卉筋力盡于登第



適者爾況物莫不以直為利

止哉宇奔騰為致致宇其辭整致命卦書最

滌跡長聞煥高而烈其青其赤其白其黃其

水其火其土其金其木其草其蟲其禽其獸其

人其鬼其神其靈其氣其精其神其魂其魄其

志其行其言其動其靜其思其慮其智其德其

三才未建天人雜處萬器並陳大朴已闢冥

一卦之精以卦幽人之公云爾此為草創編錄

授陸敬游十賚文

陶弘景

隱居先生遣總事弟子戴垣秉策執簡膝授前學弟  
子吳郡陸敬游建連石之邑爲栖靜處士策文曰咨  
爾敬游昔我紆紱帝闈侍笏梁席雖迹混教途而心  
標逸境芝田之想無忘曉夜濠潁之志歲月已深至  
德有隣風雲相會爾之來也爰移兩春於是褰帶青  
屨掛冠未闕攜手東驅創居茲嶺脉潤通水徙石開  
基登崖斲幹越壟負卉筋力盡于登築氣血疲乎趨  
走肌色憔悴不以暴露爲苦心覓空憊寧顧飢寒之  
弊棟宇旣立載罹霜暑于時七稔經始甫訖今日之



安爾有勤焉君子不獨居其榮仁人必與物同泰是  
用邑爾長阿北阪積金山連石之鄉方七十步澗水  
屬焉茂爾嘉業永爲華陽上賓爾其莅之其一爾以誠

慤爲性恬澹爲情質直居本沉重樹志不邀世才高

謝時俗權謀詭譎非意所欲其二資爾爲栖靜處士

可謂因德立號克終斯美其二爾基架館境營劃援域

堂壇宏敞樓路通嚴官司行止並有栖憇繕築之勞

莫匪爾力今故資爾四雷飛軒廂廊側屋可以安身

靜臥顯祇遐福其三爾奉上惟勤接下以惠稼穡艱難

備嘗勞苦貨殖之宜允瞻糧服手足胼胝未獲告休

櫛風沐雨於焉尤切。今故賚爾蒼頭一人。厥名多益。可以傳代薪水省息。劬劇其爾族維舊緒身乃邦聞。道雖一貫事望宜分。今故賚爾鋼鐵如意。可以揮對賓僚。卽名立事。其爾崇教惟善法無偏執。器服表用爰寄玩習。今故賚爾節竹錫杖。可以振動三界。精祇憚響。其爾期誠玄契遐想靈風至懷所詣。因心則通。今故賚爾香爐一枚。重陸副之。可以騰烟紫閣。昭感上司。其爾澡形潔藏肴糧。旣去宣導松木實資芳醕。今故賚爾杯盤一具。可以夕挹桂漿。朝承菊露。其爾敬事經誥。遵尚楷模。翰墨之用于。是乎在今。故賚爾。



大硯一而紙筆一副之可以臨文寫字對真受言其  
爾真心內固清行外彰滌蕩紛穢表裏雪霜今故賚  
爾鋤石澡灌手巾爲副可以登齋朝拜出入盥漱其  
今賚爾十事事準前史可對揚嘉策循言求理無或  
驕惰以騫斯旨援筆申懷敢告處士

陶弘景字通明丹陽秣陵人身長七尺七寸神儀  
明秀朗目疎眉細形長耳隱句曲山自號華陽隱  
居武帝手勅招之不出卒贈中散大夫謚貞白先  
生

何所  
有。上。多。  
白雲。只。可。  
自。怡。悅。不。  
堪。持。贈。君。  
閱。此。數。書。  
白。雲。片。片。  
可。矣。

山川之美。古來共談。高峰入雲。清流見底。兩岸石壁。五色交輝。青林翠竹。四時俱備。曉霧將歇。猿鳥亂鳴。夕日欲頽。沉鱗竟躍。實是欲界之仙都。自康樂以來。未復有能與其奇者。

### 答虞中書書

栖六翮于荆枝。望綺雲于青漢者。有日于茲矣。而春華來被草石。開鮮辭。動情端。志交衿。曲信知鄰德之談。無虛往。牘夫子雖迹纏木閣。而心期岱嶺。豈但散髮乎高岫。似將飛霜于絕谷。良爲欽哉。野人幸得託形崇阜。息影長林。每對月流歎。臨風軫慨。徒事累可。



豁而髮容難待自非齊生死于一致者能不心熱者  
乎舉世悠悠孰云同此倘遇知己相與共憂竭來虞  
公茲焉可邁何爲栖栖空勞鼓缶迨及暇日有事還  
童不亦皎潔當年而無忤前脩也

答趙英才書

甚哉無用  
之難保

子架書區中飛才甸外不肯掃門覓仕復嬾彈鋏求  
通故輟蹇園巷從容郊邑巖下鄙人守一介之志非  
敢蔑榮嗤俗自致雲霞蓋任性靈而直往保無用以  
得閑灌薪井汲樂有餘歡切松煮朮此外何務然亦  
以天地棟宇萬物同於一化死生善惡未之能聞

新龍府可  
比大言賦

檄江神責周穆王壁

梁吳筠

昔穆王南巡自郢徂閩遺我文壁僉曰此津謂釋百  
紀荐歷十春念茲文壁故問水濱江漢鼎之自求多  
益反我名瑞躍此華壁則富有漢川世爲江汜如有  
負穢心迷懷釁情戚藏玉泥中匿珪魚腹使公孫躡  
波而長吁子羽濟川而怒目飲飛舞劍而東臨蓄丘  
躍馬而南逐打素蛤而爲粉碎紫貝其如粥又有川  
人勇俊處乎閩濮水居百里泥行萬宿右睨而河傾  
左咤而海覆乃把昆吾之銅鈍鉤之鏤被魚鱗之衣  
赴螺蚌之穴引澍東隅移燠北島使蓬萊之根鬱而



生塵瀛洲之足淨而可掃按驪龍取其領下之珠擗  
鯨魚拔其眼中之寶皇恩所被繁枯潤涸威之所加  
窮河絕漢願子三思反此明玉

員嶠山數對農畝如燕王試中興壯前如身委  
益又非此縣聖地華聖眼富春黃川世為山脈  
味替祖十春合茲文塾姑問水際玉黃鼎之  
昔蘇王南溪自濯此間數非文塾僉曰此

凡大奇知  
前節節四

琳山脈責風軒王塾

果其

爲梁王勸進  
之數十字  
渾雅無如此作

爲王僧辨勸進梁元帝初表

沈炯

衆軍薄伐途次九水卽日獲臨城縣使人報稱侯景弑逆皇帝賊害太子宗室在寇庭者並罹禍酷六軍慟哭三辰改曜哀我皇極四海崩心我大梁纂堯構緒基商啟祚太祖文皇帝狗齊作聖肇有六州高祖武皇帝聰明神武奄龕天下依日月而和四時履至尊而制六合麗正居貞大橫固社四葉相係三聖同基蠡爾凶渠遂憑天邑閭闔受白登之辱象魏致堯城之疑雲展承華一朝俱酷金楨玉幹莫不同冤悠悠彼蒼何其罔極臣聞喪君有君春秋之茂典以德



以長先王之通訓少康則牧衆撫職祀夏所以配天  
平王則居正東遷宗周所以卜世漢光以能捕不道  
故景歷重昌中宗以不違羣議故江東可立疇今考  
古更無二謀伏惟陛下至孝通幽英武靈斷當七九  
之厄而應千載之期啟殷憂之明而居百王之會取  
威定霸險阻艱難建社治兵載循古道家國之事一  
至于斯天祚大梁必將有主軒轅得姓存者二者高  
祖五王代寔居長乘屈完而陳諸侯拜子武而服大  
輅功齊九有道濟生民非奉聖明誰嗣下武臣聞日  
月貞明太陽不可以闕照天地貞觀乾道不可以久

中月  
飲儀

惕黃屋左。燾本爲億兆而尊。鸞輅龍章。益以郊禋而貴。寶器存乎至重。介石慎于易差。黔首豈可少選。無君宗祐。豈可一日無主。伏願陛下。掃地升中。柴天改物。事迫凶危。運鍾擾攘。益不勞宗正奉詔。博士擇時。南面即可居尊。西向無所讓德。四方既知。有奉八百。始可同期。殘寇潛居。器藏社處。乾象旣傾。坤儀已覆。斬莽輓車。燒卓照市。廓清函夏。正爲瑩陵。開雪宮闈。庶存鍾鼎。彼黍離離。伊何可言。陛下繼明。闡祚卽宮。舊楚左廟。右社之制。可以權宜。五禮六樂之容。歲時取備。金芝九莖。瓊茅三脊。要衛率職。尉侯相望。坐廟



絕去矜琢  
油然夷易  
一時浮豔  
在其下矣

堂以朝四夷。登靈臺而望雲物。禪梁甫而封泰山。臨東濱而禮日觀。然後與三事大夫更謀都鄙。左瀍右澗。夾雒可以爲居。抗殿疏龍。惟王可以在鎬。何必勤勤建業也哉。臣等不勝控欵之至。謹拜表以聞。

過通天臺奏漢武帝表

臣聞橋山雖掩。鼎湖之竈可祠。有魯遂荒。大庭之迹無泯。伏惟陛下降德猗蘭。纂靈豐谷。漢道旣登。神仙可望。射之杲于海浦。禮日觀而稱功。橫中流于汾河。指柏梁而高宴。何其樂也。豈不然歟。旣而運屬上仙。道窮晏駕。甲帳珠簾。一朝零落。茂陵玉盃。宛出人間。

陵雲故基共原田而撫撫扶風餘趾對陵阜而茫茫  
羈旅縲臣能不落淚昔承明旣厭嚴助東歸駟馬可  
乘長卿西返恭聞故實竊有愚心黍稷非馨敢忘徼  
福但雀臺之吊空愴魏君雍丘之祠未光夏后瞻仰  
烟霞伏增悽戀



卷之三 恭聞

答徐孝穆書

陳李那

繁霜應管能響豐山之鐘。玄雲觸目又動流泉之奏。  
矧伊物候且或冥符。況乃矜期相忘道術。楚齊風馬。  
吳會浮雲。行李無因音塵不嗣。殷御正銜命來歸嘉。  
言累札江南橘茂。薊北桑枯陰慘。陽舒行止多福足。  
下泰山竹箭淅水明珠。海內風流江南獨步。扶風計。  
吏議折祥禽。平陵李廉。辯訓文約。况復麗藻星鋪。雕。  
文錦縟風雲景物。義盡緣情。經綸憲章。辭殫表奏。久。  
以京師紙貴。天下家藏。調移齊右之音韻。改河西之。  
俗。豈直楊雲藻翰。獨留千金嗣宗。文雅唯傳好事僕。



世傳經術才謝劉歆家有賜書學匪班嗣弱年有意  
頻愛雕蟲歲月三餘無忘肄業戶牖之間時安筆硯  
顰眉難巧學步非工恒經牧孺之譏屢被陳思之誚  
羞逢仲子類君山之鼓琴屢見子將同本初之車服  
不謂殷侯虛談成價遂同布鼓輕響雷門燕石空雕  
終慙比德楚羣雖拂實愧棲桐豈若邯鄲舉袖唯聞  
變曲協律飛塵必應不顧是以日南寶貝遙望歸秦  
合浦文犀更希還漢芳春行獻鸞其鳴矣懸豫章之  
床置長安之驛厚築墻垣思逢鄭僑之聘工歌周頌  
佇奏延陵之樂書猶有復道意無伸李那頓首

家訓

北齊 顏之推

夫聖賢之書教人誠孝慎言檢迹立身揚名亦已備矣。魏晉以來所著諸子理重事複遞相模倣猶屋下架屋牀上施牀耳。吾今所以復爲此者非敢軌物範世也。業以整齊門內提撕子孫。夫同言而信信其所親同命而行行其所服。禁童子之暴謔則師友之誠不如傳婢之指揮。主凡人之鬪鬪則堯舜之道不如寡妻之誨諭。吾望此書爲汝曹之所信猶賢于傳婢寡妻耳。序致父子之嚴不可以狎骨肉之愛不可以簡。簡則慈孝不接狎則怠慢生焉。由命士以上父子異



宮。此。不。狎。之。道。也。抑。搔。癢。痛。懸。衾。篋。枕。此。不。簡。之。教。也。齊。朝。有。一。士。大。夫。嘗。謂。吾。曰。我。有。一。兒。年。已。十。七。頗。曉。書。疏。教。其。鮮。卑。語。及。彈。琵琶。稍。欲。通。解。以。此。伏。事。公。卿。無。不。寵。愛。亦。要。事。也。吾。時。俛。而。不。答。異。哉。此。人。之。教。子。也。若。由。此。業。自。致。卿。相。亦。不。願。汝。曹。爲。之。教兄。弟。之。際。異。于。他。人。望。深。則。易。怨。他。親。則。易。弭。譬。猶。居。室。一。穴。則。塞。之。一。隙。則。塗。之。則。無。頽。毀。之。慮。如。雀。鼠。之。不。卹。風。雨。之。不。防。壁。隅。楹。淪。無。可。救。矣。僕。妾。之。爲。鼠。雀。妻。子。之。爲。風。雨。甚。哉。人。或。交。天。下。之。士。皆。有。歡。愛。而。失。敬。于。兄。者。何。其。能。多。而。不。能。少。也。

文遊起婦  
是亦奇談

人或將數萬之師得其死力而失恩于弟者何其能  
疎而不能親也。一娣姒者多爭之地也。使骨肉居之  
亦不若各歸四海感霜露而相思。竹日月之相望也。  
况以行路之人處多爭之地能無間者鮮矣。所以然  
者以其當公務而執私情。處重則而懷薄義也。若能  
恕已而行換子而撫則此患不生矣。兄弟江東婦女畧  
無交遊其婚姻之家或十數年間未相識者唯以信  
命贈遺致殷勤焉。鄴下風俗專以姑持門戶爭訟曲  
直造請逢迎車乘填街衢綺羅盈府寺代子求官爲  
夫訴屈此乃恒代之遺風乎。治家侯景初入建業臺門



雖閉公私草擾各不自全太子左衛率羊侃坐東掖  
門部分經畧一宿不辦遂得百餘日抗拒克逆于時  
城內四萬許人王公朝士不下一百便是持侃一人  
安之其相去如此古人云巢父許由讓于天下市道  
小人爭一錢之利亦已懸矣慕賢多見士大夫耻涉農  
商羞務工伎射既不能穿札筆則纔記姓名飽食醉  
酒忽忽無事以此銳日以此終或因家世餘緒得  
一階半級便謂爲足安能自苦吉凶大事議論  
得失蒙然張口如坐雲霧公私談古賦詩塞默  
送頭欠伸而已有識傍觀代其入何惜數年勤

安知此種  
總爲中下  
設法若志  
上宜更商  
量

長受一生愧辱哉。梁朝全盛之時，貴遊子弟多無學，  
術至于諺云：上車不落，則著作；體中何如，則秘書。無  
不燠衣，剝面傅粉，施朱駕長簷車，跟高齒屐，坐碁子  
方褥，憑斑絲隱囊，列噐玩于左右，從容出入，望若神  
仙。明經求第，則顧人答策；三尤公譙，則假手賦詩。嘗  
爾之時，亦快士也。及離亂之後，朝市遷革，銓衡選舉，  
非復曩者之親。當路乘權，不見昔時之黨，求諸身而  
無所得，施之世而無所用。披褐而喪珠，失皮而露質，  
兀若枯木，泊若窮流。孤獨戎馬之間，轉死溝壑之際，  
當爾之時，誠駑材也。有學藝者，觸地而安，自荒亂已



來諸見俘虜。雖百世小人。知讀論語孝經者。尚爲人  
師。雖千載冠冕不曉書記者。莫不畊田養馬。以此觀  
之。安可不自勉耶。若能常保數百卷書。千載終不爲  
小人也。夫明六經之指。涉百家之書。縱不能增益一  
行。敦厲風俗。猶爲一藝。得爲自資。父兄不可常依。鄉  
國不可常保。一旦流離。無人庇廕。當自求諸身耳。  
夫老莊之書。蓋全真養性。不肯以物累已也。故藏名  
柱石。終蹈流沙。匿跡漆園。卒辭楚相。此任縱之徒耳。  
何晏王弼祖述玄宗。遞相誇尚。景附草靡。皆以農黃  
之化在乎已身。周孔之業棄之度外。而平叔以黨曹

爽見誅。鱗死。權之網也。輔嗣以多笑人被疾。陷好勝之穽也。山巨源以蓄積取譏。背多藏厚亡之文也。夏侯玄以才望被戮。無支離擁腫之鑒也。苟奉倩喪妻神傷而卒。非鼓缶之情也。王夷甫悼子悲不自勝。異東門之達也。嵇叔夜排俗取禍。豈和光同塵之流也。郭子玄以傾動權勢。寧後身外已之風也。阮嗣宗沈酒荒迷。乖畏途相誠之譬也。謝幼輿賈賄黜削。違棄其餘魚之旨也。彼諸人者。並其領袖。玄宗所歸。其餘桎梏塵滓之中。顛仆名利之下者。豈可備言乎。直取其清談雅論。剖玄析微。實主往復。娛心悅耳。非濟世。



此之不善  
亦當  
之學陋  
也

成俗之要也。洎于梁世，茲風復闡。莊老周易，摠謂三  
玄。武皇簡文，躬自講論。周弘正奉贊大猷，化行都邑。  
學徒千餘，實爲盛美。元帝在江荆間，後所愛習，召置  
學生，親爲教授。廢寢忘食，以夜繼朝。至乃倦劇愁憤，  
輒以講自釋。吾時頗預末筵，親承音指，性旣頑魯，亦  
所不好。云。義陽朱詹，世居江陵，後出揚都，好學家。  
貧無資，累日不爨，乃時吞紙以實腹。寒無氈，被抱犬  
而臥。犬亦饒虛，起行盜食，呼之不至，哀聲動隣，猶不  
廢業。卒成學士。官至鎮南錄事參軍，爲孝元所禮。此  
乃不可爲之事，亦是勤學之一人。夫文字者，墳籍

根本世之學徒多不曉字讀五經者是徐邈而非許  
慎習賦誦者信褚詮而忽呂忱明史記者專皮鄒而  
廢篆籀學漢書者悅應蘇而略蒼雅不知書音是其  
枝葉小學乃其宗系至見服虔張揖音義則貴之得  
通俗廣雅而不屑一手之中向背如此况異代各人  
乎勉學篇自古文人多陷輕薄屈原露才揚已顯暴君  
過宋玉體貌容冶見遇俳優東方曼倩滑稽不雅司  
馬長卿竊貲無操王褒過家童約揚雄德敗美新李  
陵降辱夷虜劉歆反覆莽世傳毅黨附權門班固盜  
竊父史趙元叔抗竦過度馮敬通浮華擯壓馬季長



佞媚獲譖。蔡伯喈同惡受誅。吳質詆訶鄉里。曹植恃  
慢犯法。杜篤乞假無厭。路粹隘狹已甚。陳琳實號麤  
疎。繁欽性無檢格。劉禎屈強輸作。王粲率躁見嫌。孔  
融褊衡誕傲。致殞楊修。丁廙扇動取斃。阮籍無禮敗  
俗。嵇康凌物。凶終傳玄。忿鬪免官。孫楚矜誇凌上。陸  
機犯順履險。潘岳乾沒取危。顏延年負氣推黜。謝靈  
運空疎亂紀。王元長凶賊自貽。謝玄暉悔慢見及。凡  
此諸人。皆其翹秀者。不能悉紀。大較如此。至于帝王  
亦或未免。自昔天子而有才華者。唯漢孟。魏太祖。文  
明帝。宋孝武帝。皆負世議。非懿德之君也。自于游

子夏薦沉孟軻枚乘賈誼蘇武張衡左思之儔有盛  
名而免過患者時復聞之但其損敗居多耳每嘗思  
之原其所積文章之體標舉興會發引性靈使人矜  
代故忽于持操果于進取今世文士此患彌切一字  
愜當一句清巧神厲九霄志凌千載自吟自賞不覺  
更有傍人加以砂礫所傷慘于矛戟諷刺之禍速乎  
風塵深宜防慮以保元吉有一士族好爲可笑詩  
賦詆擎邢魏諸公衆共嘲弄虛相譏說便擊牛醢酒  
招延聲譽其妻明鑒婦人也泣而諫之此人歎曰才  
華不爲妻子所容何況行路至死不覺自見之謂明



此誠難也。劉逖云君輩辭藻譬若榮華須臾之翫  
非宏才也。豈比吾徒十丈松樹常有風霜不可凋悴  
矣。劉應之曰既有寒木又發春華何如也。辛笑曰可  
矣。凡爲文章猶人乘騏驎雖有逸氣當以銜勒制之  
勿使流亂軌躅放意填坑塹也。文章當以理致爲心  
腎氣調爲筋骨事義爲皮膚華麗爲冠冕。今世相承  
趨末棄本率多浮艷辭與理競辭勝而理伏事與才  
爭事繁而才損放逸者流宕而忘歸穿鑿者補綴而  
不足時俗如此安能獨違但務去泰去甚耳。必有盛  
才重譽改革體裁者實吾所希。古人之文宏材逸氣

軀度風格去今實遠但維絀跡未爲審經耳  
音律諧靡章句偶對諱避精詳賢于往昔多矣宜以  
古之製裁爲本今之辭調爲末並須兩存不可偏棄  
也吾家世文章甚爲典正不從流俗梁孝元在藩  
邸時撰西府新文史記無一篇見錄者亦以不偶于  
世無鄭衛之音故也沈隱侯曰文章當從三易易  
見事一也易識字二也易讀誦三也邢子才常曰沈  
侯文章用事不使人覺若胸臆語也深以此服之祖  
孝徵亦嘗謂吾曰沈詩云崖傾護石髓此豈佻用事  
耶邢子才魏收俱有重名時俗準的以爲師匠邢賞



可憐可憐  
士有虛名  
避之如  
蛇

服沈約而輕任昉。魏愛慕任昉而毀沈約。每于談議  
辭色以之。鄴下紛紜各有朋黨。祖孝徵嘗謂吾曰任  
沈之是非乃邢魏之優劣也。江南文制欲人彈射  
知有病累隨卽改之。陳王得之于丁廙也。山東風俗  
不通擊難。吾初入鄴遂嘗以此忤人。至今爲悔。汝曹  
必無輕議也。文章晉朝南渡優借士族。故江南冠帶有  
才幹者擢爲令僕以下尚書郎中書舍人。已上典掌  
機要其餘文義之士多迂誕浮華不涉世務。纖微過  
失又惜行捶楚。所以處于清明益護其短也。至于臺  
閣令史主書監帥諸王籤省並時召使用清辨時須

士大夫好  
安逸卒用  
破國并忘  
其身

縱有小人態皆可鞭杖肅督故多見委使然則其  
長也人每不自量舉世怨梁武帝父子愛小人而疏  
士大夫此亦眼不能見其睫耳梁世士大夫皆尚  
褻衣博帶大冠高履出則車馬入則扶侍郊郭之內  
無乘馬者周弘正為宣城王所愛給一果下馬常服  
御之舉朝以為放達至乃尚書郎乘馬則糾劾之及  
侯景之亂膚脆骨柔不堪行步體羸氣弱不耐寒暑  
坐死倉猝者往往而然江南朝士因晉中興南渡  
江卒為羈旅至今八九世未有力田悉資俸祿而食  
耳假令有者皆信僮僕為之未嘗目觀起一撥土耘



一。株。苗。不。知。幾。月。當。下。幾。月。當。收。安。識。世。間。餘。務。乎。  
治。官。則。不。了。營。家。則。不。辦。皆。優。閑。之。過。也。  
涉上書務

陳事起自戰國逮于兩漢風流彌廣原其體度攻人  
主之長短諫諍之徒也許群臣之得失訟訴之類也  
陳國家之利害對策之伍也帶私情之與奪遊說之  
儔也總此四塗賈誠以求位鬻言以干祿或無絲毫  
之益而有不貲之困齊之季世多以財貨託附外  
家誼動女謁拜守宰者印組光華車騎輝赫榮兼九  
族取貴一時而爲執政所患隨而伺察既以得利必  
以利用治微染風塵便乖肅正坑穿殊深瘡痛未復縱

有此一段  
論顏氏  
過萬  
不君矣

得免死莫不破家。然後噬臍。亦復何及。吾自南及北。  
未嘗一言與時人論身分也。不能通達。亦無尤焉。  
王子晉云。佐饗得嘗。佐鬪得傷。此言爲善則預爲惡。  
則去不欲黨人。非義之事也。凡損于物。皆無與焉。然  
而窮鳥入懷。仁人所憫。況死士歸我。當棄之乎。伍員  
之託漁舟。季布之入廣柳。孔融之藏張儉。孫高之匿  
趙岐。前代之所貴。而吾之所行也。以此得罪。甘心厚  
目。至如郭解之代人報讐。灌夫之橫怒求地。游俠之  
徒。非君子之所爲也。如有逆亂之行。得罪于君親者。  
又不足卹焉。親友之迫危難也。家財已力。當無所吝。



第 三

每見訓家  
者率用醇  
謹則舍生  
取義何足  
為不可苟  
誠全言

若橫生圖計無理請謁非吾教也墨翟之徒世謂熱  
腹楊朱之侶世謂冷腸腸不可冷腹不可熱當以仁  
義為節文爾省吾近為黃門郎已可收退當時羈旅

懼罹謗讟思為此計僅未暇爾自喪亂已來見因託

風雲微倖富貴旦執梃權夜損坑谷朔歡卓鄭晦泣

顏原者非十人五人也慎之哉慎之哉止夫生不可

不惜不可苟惜涉險畏之途于禍難之事貪欲以傷

生讒慝而致死此君子之所惜哉行誠孝而見賊履

仁義而得罪喪身以全家泯軀而濟國君子不咎也

自亂離已來吾見名臣賢士臨難求生終為不救徒

取窘辱令人憤懣。侯景之亂，王公將相多被戮辱。如主姬妾，畧無全者。唯吳郡太守張噤，建義不捷，爲賊所害。辭色不撓。及鄱陽王世子謝夫人登屋訴怒，見射而斃。夫人謝遵女也。何賢智操行若此之難。婢妾引決若此之易。悲夫。養生。山○人○不○信○有○魚○大○如○木○海○上○人○不○信○有○木○大○如○魚○。漢○盍○不○信○弦○膠○。魏○文○不○信○火○布○。胡○人○見○錦○，不○信○有○蟲○食○樹○。吐○絲○所○成○，昔○在○江○南○。亦○信○有○千○人○。檀○帳○及○來○，河○北○不○信○有○二○萬○斛○。船○皆○實○驗○也○。夫○有○子○孫○，自○是○天○地○間○一○蒼○生○耳○。何○預○身○事○而○乃○愛○護○遺○其○基○址○。况○于○已○之○神○爽○，頓○欲○棄○之○哉○。歸。漢○



書王莽贊云紫色蛙聲餘分閭位蓋謂非玄黃之色  
不中律呂之音也近有學士名問甚高遂云王莽其  
直鳶鵠虎視復紫色蛙聲亦為誤矣

書證

南

土人不計其本大故魚對蓋不計其根驥文不計其  
其先者此之謂悲夫  
主山中人不計其本魚大故本為  
根而遂夫人嬌妻文也所資皆對其本此之謂戰妾  
祖害補身不計其本則王母于嬌夫人登臺請其  
主聖妻畧無全音並吳味太守悲剩數善不計其本  
兩窠氣令人鬱鬱氣景之屬王公昧昧矣姤驥驥

賀平鄴都表

周庾信

臣某言臣聞太山梁甫以來卽有七十二代龍圖龜  
書之後又已三千餘年雖復制法樹司禮殊樂異至  
於文離武落剡木茲弧席卷天下之心包含八荒之  
志其揆一矣伏惟皇帝陛下握天樞秉地軸駕馭風  
雲驅馳龍虎沉雄內斷不勞謀於力牧天策勇決無  
待問於容成是以威風所振烈火之遇鴻毛旗鼓所  
臨衝風之卷秋葉竊聞伊洛戎夷幽并僭僞抱圖載  
籍已歸丞相之府啣玉繫綬並詣中軍之營百年逋  
誅遂窮巢窟三代敵愾然掃蕩昔周王涓水之師

一作天



筆下有道  
等句落來  
亦大快事

尚勞再駕。軒轅上谷之戰。猶須九伐。未有一朝指麾。  
獨決神武。平定寓內。光宅天下。二十八宿止餘吳越。  
一星千二百國。裁漏麟洲小水。若夫咸康之年。四方  
始定。建武之代。諸侯並朝。不得同年而語矣。雖復八  
風並唱。未足頌其英聲。六律俱陳。無以歌其神武。坐  
釣臺而誓衆。以啟繼夏禹之功。入商郊而闕罪。姬發  
成周文之志。無改之道。大孝也歟。當今鹿臺已散。頃  
宮已遣。兵藏武庫。馬入華山。立明堂之制。奏太武之  
樂。盛矣哉。上天降休。未之有也。政須東南一尉。立於  
非景之南。西北一侯。置於交河之北。然後命東后。詔

蒼冥衢壇琬碑銀繩瓊檢告厥成功差無慙德臣忝  
竊榮幸蒞政東藩不獲躬到闕庭頂觀大慶不勝鳧  
藻踴躍之至

爲閬大將軍乞致仕表

臣某言臣聞禮云大夫七十致仕於朝傳家於子膳  
則貳珍衣稱肯制臣自出身奉國四十餘年遭遇風  
雲從微至著太祖文皇帝扶危濟難奄有關河臣實  
無堪中涓從事自洛食風塵河梁旗鼓華陰有白馬  
之兵河曲有黃沙之陣臣雖用命不能奇策功薄賞  
厚囚人成事恩澤年表常以愧心仰逢周朝以揖讓



一乞  
表一  
附順寧待  
於風露白  
川皆刊  
竭者橫污

庸。謳歌受命主貴臣遷頻煩榮寵三槐以鑄鼎象  
物知其神奸五等以桓珪飾瑞守其宮室臣以何德  
兼而有之况復水土之職王梁以應讖受徵兵戈之  
王韓信以登壇獨拜語其連類臣又何人當今四海  
未寧三方鼎峙陛下勞心之日群公展効之秋而臣  
甲子既多耄年又及無忝賓客之事謬達諸侯之班  
尸祿素餐人紊彝典負乘致寇徒煩有司加以寒暑  
年違節宣失序風水交侵菁華已竭雖復廉頗強飯  
馬援據鞍求欲報恩何能爲役榮恩期之樂適是自  
脂燭之武之言亡能爲也臣乞解所墨官言從初服

但吹鑪雲  
歸煉冶鉄  
飲朝流金  
精夜下價  
重十城名  
高千馬又  
云千金顏  
合百煉鋒  
成光連斗  
氣饑動山  
精身文水  
動刃古珠  
生大抵其  
運筆如刀  
蒼自喻也  
又似月明  
孤吹

事符骸骨之請。非謀几杖之賜。若臣北陵移病。東  
歸老山河茅社。一反司勛公侯珪璧。還封典瑞則朝  
無冒位之人。臣免妨賢之責。虞氏養老。敢希東序之  
榮。周朝如荼。豈望西郊之禮。但瞻仰天威。方違咫尺  
徘徊城闕。私增悽戀。不任知止之情。

爲晉陽公進玉律秤尺斗計表

臣某言。臣聞三才旣立。君臣之道已陳。六位時成。禮  
樂之功斯正。故以叶和日月。測度陰陽。悅豫兆人。儀  
刑萬國者也。伏惟皇帝應籙馭天。披圖受命。據太陽  
而縣像。履文昌而建極。白環表讓德之符。玄珪告成



功之瑞太階既平。升中可習。必當水建千年。山稱萬  
歲。伏見勅旨刊正音律。平章曆象。奏黃鍾而歌大呂。  
變孤竹而舞雲門。莫不遠取疎通。聲從安樂。四分既  
明。三微且定。是以聞鐘於洛浦。卽辨聲乖。聽鐸於邯  
鄲。先知嚮韻。二分二至。行於司曆之官。九變九成。被  
於中和之臧。足以動天地。感鬼神。被風俗。平寒暑。豈  
直吟嘯谿谷。回翔鸞鳳而已哉。是知零陵廟前。徒尋  
舜管。始平城下。空論周尺。臣聞上製其禮。下習其儀。  
君定其法。臣行其事。謹造玉律。一旦并玉秤尺斗升。  
合等始得成功。至於分粟累黍。量絲數籥。實以仰稟。

聖規參詳神思所冀節移陰管無勞河內之灰氣動  
陽鍾不待金門之竹而琬琰事輕般倅慮淺不足展  
乎成均增輝度晷賁器奉表以聞

### 吹臺山銘

江寧吹嶺雖山出釣秦簫下鳳此岫爲真青槐避日

一作伺

朱草司晨石名新婦樓學仙人中字王成南君姓秦

一作客

一作遠

比花依對登榭要春舞能留客聲便度新雕梁數振  
亡復輕塵

### 望美人山銘

一作雨

一作州

高唐礪石洛浦亡舟何處相望山邊一樓峯因五婦



石是三侯險踰地肺危陵天柱禁苑斜通春人常聚  
對裏拳歌枝中見舞恰對妝望諸窗畫開斜看已識  
一作併  
直喚便迴豈同織女非秋不來

至仁山銘

山橫鶴嶺水學龍津臨去一片仙童兩人三秋雲薄  
九日寒新真花暫落盡樹常春橫石臨砌飛簷枕嶺  
壁繞藤苗窓銜竹影菊落秋潭桐疎寒井仁者可樂  
將由愛情

明月山銘

竹窓標岳四面臨虛山危簷迴葉落窗疎看像有

對樹無風。風生石洞。雲出山根。霜朝唳鶴。秋夜鳴猿。  
堤梁以堰。埜路疑村。船橫棹下。樹俠津門。寧殊華荃。  
詎識桃源。

行雨山銘

山銘行雨。地異陽臺。佳人無數。神女看來。翠幔朝開。

新妝旦起。樹入床頭。花來鏡裏。艸綠衫同。花紅面似。

開年寒盡。正月遊春。俱除錦帔。併挽紅綸。天彩劇藕。

蝶粉生塵。橫藤礙路。弱柳低人。誰言洛浦。一个河神。

思舊銘 并序

歲在攝提。星居監德。梁故觀寧侯蕭永卒。嗚呼哀哉。



人之滅也。既非金石所移。士之悲也。寧有春秋之異。  
臺已傾。稷下有聞琴之泣。壯士一去。燕南有擊筑  
之悲。項羽之晨起。帳中李陵之徘徊。岐路韓王孫之  
質。趙公子之留秦。無假窮秋於時悲矣。况復魚飛  
武庫。預有棄甲之微。鳥伏翟泉。先見橫流之肇。星紀  
吳亡。庚辰楚滅。紀侯大去。鄆子無歸。原隰載馳。輶轅  
長別。甲裳失矣。餘皇棄焉。河傾酸棗。杞梓與樗櫟俱  
沈。海淺蓬萊。魚鼈與蛟龍共盡。焚香殺道。詎假游魂。  
載酒屬車。寧消愁氣。芝蘭蕭艾之秋。彫殊而共瘁。羽  
毛殢介之怨。聲異而俱衰。所謂天乎。乃曰蒼蒼之氣。

所謂地乎其實博博之土怨之徒也何能感焉形殘  
殺翻亡所假於風颺寒落春枯不足頌於霜露幕府  
昔開賢俊翹首爲霸終歲門人謝焉至於東首告辭  
西陵長往山陽車馬望別郊門潁川賓容遙悲惣路  
嵇叔夜之山庭尚多楊柳王子猷之舊徑唯餘竹林  
王孫塋地方爲長樂之宮烈士埋魂即是將軍之墓  
昔嘗歡宴風月留連追憶平生宛然心目及乎垂翅  
秦川關河羈旅降于悲谷之景實有憂生之情美酒  
酌焉猶思建鄴之水鳴琴在操終思華亭之崔重爲  
此別嗚呼甚哉麀亡星落月死珠傷瓶罄壘耻芝焚



蕙歎所望鐘。沈德水聲出。風雲劍沒豐。城氣存牛斗。  
潜然思舊乃作銘云

風雲上慘舟。壑潜移駸駸。霜落君子先。危紀戾夫去。  
懷王不返玉。封長埋風流。遂遠荀伯舊。縣慶封餘邑。  
萬里歸魂。修門詎入墳。橫武庫山。枕盧龍。思歸道遠。  
返葬亡從。徒留送雁空。靡長松平陵之東。亡復梧桐。  
松聲蕭瑟。長起秋風。疇管隆貴。提攜語默。託情稽阮。  
風雲相得有酒如澠。終溫且充。朝陽落鳳。大埜傷麟。  
佳城鬱鬱。流寓於秦。山陽相送。唯餘故人。孀機嫠緯。  
獨鳳孤鸞。閨深夜靜。風高月寒。生平已矣。懷舊何期。

匣中絃絕鄰人笛悲昔爲幕府今成總帷

溫湯碑

咸池浴日先應綠甲之圖砥柱浮天始受玄夷之命  
仁則滌蕩埃氛義則激揚清濁勇則負山餘力弱則  
鴻毛不勝仲春則榆莢同流三月則桃花共下其色  
變者流爲五雲之漿其味美者結爲三石之膏潤青  
於銅浦色曰於鉛溪非神鼎而長沸異龍池而獨清  
洒胃湔腸興羸起瘠秦皇餘石仍爲雍齒之階漢武  
舊陶卽用魚鱗之瓦山間涌水寔表忠誠室內江流  
彌彰純孝豈若醴泉消疾聳乎建武之朝神水蠲病

溫湯碑



在乎咸康之世。嵩山三仙之館。不孤擅於天池。百丈之泉。豈獨高於蓮井。

謝滕王集序啟

其啟伏覽。制垂賜集序。紫微縣映。如傳闕里之書。青鳥遙飛。似送層城之璧。若夫甘泉宮裏。玉樹一叢。玄武關前。明珠六寸。不得譬此光芒。方斯照燭。有節有度。卽是能平八風。愈昌愈高。殆欲去天三尺。殿下雄才。蓋代逸氣。橫雲濟北。顏淵關西。孔子譬其毫翰。則風雨爭飛。論其文采。則魚龍百變。蕭索繞館。新開碣石之宮。修竹夾池。始作睢陽之苑。琉璃泛酒。鸚鵡承

八字目定

真文人

庾潘任相

似江鮑

以此五

在

鳳穴歌聲。鸞林舞曲。况復行雲逐雨。迴雲隨風。淵  
陽之尉。旣成爲喜之因。春陵之侯。便是銷慶之地。某  
本乏才。用亡多述。作加以建鄴陽九。劣免僞劓。江陵  
百六。幾從士隴。至如殘編落簡。並入塵埃。亦軸青箱。  
多從灰燼。比年疴恙。彌留光陰。視息桑榆。已逼蒲柳。  
方衰不亡。秋氣之悲。寔有途窮之恨。是以精采昏亂。  
頗同宋玉。言辭蹇吃。更甚楊雄。一吟一咏。其可知矣。  
好事者不求知音者不用。非有班超之志。遂已棄筆。  
未見陸機之文。久同燒硯。至於凋零之後。殘缺所餘。  
又已礫用補袍。隨時覆醬。聖慈憐愍。遂垂存錄。始知



揄揚過差。君子失辭。比擬從橫。小人迷惑。荆玉抵鵲。  
正恐輕用重寶。龍淵削玉。豈不徒勞神慮。匠石廻顧。  
朽材變於雕梁。孫陽一言奔蹄。成於駿馬。故知假人。  
延譽重於連城。借人羽毛榮於尺玉。溟池九萬里。亡。  
踰此澤之深。華岳五千仞。終愧斯恩之重。卽日金門。  
細管未動。春灰石壁。輕雷尚藏。冬蟄伏願。聖躬與貴。  
納豫南陽寶雉。幸足觀瞻。酈縣菊泉。差能延壽。伏遲。  
至。鄴可期。從梁有日。同杞子之盟。會必欲瞻仰風塵。  
其薛侯而來朝。謹當逢迎。冠蓋魚腸尺素。鳳足數行。

書此謝辭。終知不盡。謹啟。

庾信連珠  
耶鄴已危  
徒思馬服  
薊城去矣  
空用荆軻  
是以竹枝  
扶危不能  
正武擔之  
石蘆灰縮  
水不能救  
宜房之河  
李都尉之  
風霜上高  
山而箭盡  
陸平原之  
意氣登河  
橋而路窮  
○淇水之

謝趙王示新詩啟

某啟鄭叡至奉手教累紙并示新詩八體六文足驚  
毫翰四始六義寔動性靈落落詞高飄飄意遠文異  
水而涌泉筆非秋而垂露藏之山嵒可使雲霧鬱起  
濟之江浦必當蛟龍繞船首夏清和聖躬怡裕瑠璃  
珣管鵲顧鸞迴婉轉綠沉猿驚雁落下風傾首以目  
爲年捷爲舍人寔有誠願碧鷄主簿亡由遂心寂寞  
荆扉疎蕪蘭徑驂駕來梁未期卜日遣騎到鄴希垂  
枉道○

謝明皇帝賜絲布等啟



免遂控長  
林之虎平

皇之職能

先失水之

龍○日南

枯蚌猶含

明月之珠

龍門死樹

尚抱咸池

之曲○欲

求其真晉

陽有自理

之蒿若賞

其聲吳亭

不巳枯之

竹○曹劇

登壇決陽

之田慮反

山○山○

臣某啟奉勅垂賜雜色絲布綿絹等三十段銀錢二

百文某比年以來殊有缺乏白社之內拂艸看冰靈

臺之中吹塵視甌對妻狠妾既嗟且憎瘠子羸孫虛

恭寔怨王人忽降大賚先臨天帝賜年無踰此樂僊

童贈藥未均斯喜張袖而舞玄霍欲來撫節而歌行

雲幾斷所謂舟楫無岸海若爲之反風薺麥將枯山

靈爲之出雨沉復全抽素蠶雲板疑傾併落青鳧銀

山或動是知青牛道士更延將盡之命白鹿真人能

生已枯之骨雖復拔山超海負德未勝垂露縣針書

恩不盡蓬萊謝恩之雀白玉四環漢水報德之蚺明

珠一寸某之觀此寧亡愧心直以物受其生於天不

謝謹啟

謝趙王賚犀帶等啟

曲祇應  
天上有

某啟奉教垂賚犀粧帶錢十貫魏君寶帶特賜劉禎  
趙王國租偏資裴楷貫藏文馬如燒安息之銀帶插  
通犀似獵雲南之獸北郭騷之長貧是所甘愜南宮  
敬之載寶殊非念望花開四照唯見其榮鼇戴三山  
深知其重昔沈義將盡逢司命而還生士燮行埋值  
仙人而更活今日慈矜斯之謂矣馬前驅而導路或  
似識恩鷄未曉而開關容能報主謹啟



謝趙王賚馬并繖啟

某啟奉教垂賚紫駟馬并銀釘乘其紫紬繖一張上天降雨特垂深澤若水流光偏蒙私照廻茲翠蓋事重劉基之恩降此青驪榮深李忠之賜非部丹帷便須高捲西河竹馬卽已郊迎在命之輕鴻毛浮於弱水知恩之重鼃背負於靈山況復驚鴻別水但見徘徊黃雀去關唯知反顧棲戀之心事同於此

趙國公集序

竊聞平陽擊石山谷爲之調大禹吹筠風雲爲之動與夫含吐性靈抑揚詞氣曲變陽春光廻白日豈得

同年而語哉。柱國趙國公發言爲論。下筆成章。逸態橫生。新情振起。風雲爭飛。魚龍各變。方之珪璧。塗山之會。萬重。譬似雲霞。赤城之巖。千丈。文參曆象。卽入天官之書。韻涉絲桐。咸歸總章之觀。論其壯也。則鵬起半天。語其細也。則鷦巢蚤曉。豈直熊羆旦上。增城抱日月之光。燄燄宵飛。南斗觸蛟龍之氣。昔者屈原宋玉。始於哀怨之深。蘇武李陵。生於別離之世。自魏建安之末。晉大康以來。雕蟲篆刻。其體三變。人人自謂握霸蛇之珠。抱荆山之玉矣。公斟酌雅頌。諧和律呂。若使言乖節目。則曲臺不顧。聲止操縵。則成均無



取。遂得棟梁文囿。冠冕詞林。大雅扶輪。小山承蓋。  
周滕王道序曰。自攜老入關。亟移灰琯。蒸蒸日上。養  
勤同扇席。及丁母憂。杖而後起。病不勝哀。青鸞降  
宿樹之祥。白雉有樓欄之感。晉國公廟。期受托爲  
世賢輔。見信孝情。毀至。每自閔嗟。嘗語人曰。使信  
南人羈士。至孝天然。居喪過禮。殆將滅性。寡人一  
見。遂不忍看。其至德如此。

招道十徐鴻客書

李 審

齊州長史至得所上奇策一篇理智優長文采審麗  
覽而味之嘉玩無已夫天地閉賢人隱少微光處士  
見是以崆峒之上軒轅問於廣成汾水之陽唐帝從  
於齧缺是知肥遁爲美齊物攸歸雅節與蘭桂俱芳  
高風共雲霞競遠孤門承世胃地藉餘緒于生大志  
豈圖富貴只爲時逢版蕩代屬艱虞朕海水之群飛  
憫蒼生之塗炭便與二三人傑百萬武旅欲受降于  
軹道將問罪于商郊未遇玄女思逢黃石詎有啟沃  
謀猷弼成韜鈴者也仙師學究本原術苞奇政入風



五星之候金臺玉匱之書莫不洞曉于心若指諸掌  
今龍戰于野鶴翔寥廓或出或處且變且更濡足援  
手是曰仁人除暴靜亂方稱君子贊我興運今也其  
時師宜躡僑檐簋用虞卿之禮披榛輓輅襲婁敬之  
風引領瞻望拂席相待遲聽鄙生之談方聞左車之  
說桂樹山幽歲云暮矣桃花源穴想見其人冬首薄  
寒比如宜也想攝養有士無勞慮庶不遠千里早  
赴六軍孤已勒彼州令以送冀面非遺遣此不  
多及

客在洛中得唐高祖報

謂天下無可慮遂專事



隋齊方士徐鴻客上經天緯地策一篇于密軍旅  
揮霍失其本文題其封曰大衆旣聚恐米盡人散  
師老厭戰難以成功。密乘進取之機。因士馬之  
銳。沿流東指。直詣江東。執取獨夫。號令天下。密雖  
未遑遠略。心異其言。以書招之。鴻客跡林野。莫  
知所之。○密移郡縣。檄積薪居上。驗汲黯之言。囊  
錢不如。傷趙壹之賦。以國無人焉故也。











